


春融堂集

和16
890
2



春融堂集卷一

青浦 王昶 德甫

蘭泉書屋集

辛酉 癸亥

壬戌 甲子

練時日

練時日亶吉蠲昭爛爛升燔煙藉蕭薌張帳筵愴惚恍晞幽
 元儼有對諍且虔靈之旗紛般裔翳金支蔭華旆樹琴麗總
 容衛靈之車瑯鸞鈴扶列缺奔焱霆厲玉軌震咄咄靈之來
 頤修門忽晦靄臨周軒窅若豫歆脈騰靈之坐設沈齊晉瑄
 玉羞豐犧鏗馨鏞兼拊箎武宿夜參以馳神鬱搖恣攬嬉靈
 奚虞眷惇德微揆著孚九極胥埒人噓濺澤媿泰元桐生息
 用綏祉錫禡祥裔慶蒸握譽光長離儀秋踰踰戩元祐申無
 疆永億秭楸樂康



帝臨

帝臨中壇五神祇承粵耀魄寶太微感生東靈威仰西白招
拒北汁光紀南赤熒怒惟含樞紐是相是備齋夙翼若瘞薶
作昌郝郝繹繹化柔種剛施暨枯槁靈示用長

齊房

有茁其附有煒其華元精曼羨雲陽之都聖德夏崇迺禧在
宮神賁匪悒聿彰懿恭

景星

景星掞燿燭象穹宇依躔離斗祥氛霄聚赤青三氣赫戲璣
璇周伯格澤相次爛然汾睢寶鼎靈德以宣揆元攸卒粹精
是誠蒼萌黃芽迺契浸潭友符施況報敢弗欽實柴璧邸昭
幽宗鼗鼓坎坎殷廟宮盜童常羊行若馮旄羽第離卑以崇

華始浩倡諧洪厖瑤席膾食醜齊從和酸若苦丞穀隆曜靈
西奄纖阿東天門誅蕩精熊熊昌光抱戴懸兆同川珍嶽貢
明應豐歆雲助期景命融綿千億禩祚聖躬

楊柳篇

寒律移新序芳時及豔陽乍見垂楊臨玉卮漸看細柳拂銀
塘銀塘玉卮春方早妝成碧玉多繚繞密樹雙棲並命禽疏
枝共宿相思鳥文禽幽鳥向人唬十里濃陰望欲迷每先南
國桐花放長伴西津蕙葉齊隱隱朝煙籠繡陌迢迢春水生
蘭澤貴主樓臺到處移上公甲第爭先植翡翠窗邊影乍黃
茱萸網外絲初碧小侯長樂更繁華日夕狂游事狹邪官渡
營前迴玉勒永豐坊外駐香車更衣愛市臨邛酒側帽微寒
鄠杜花誰家宛轉開羅幕何人窈窕臨珠箔葉裏當壚紫玉

釵林閒挾瑟黃金索挾瑟當壚極望同倡家妓館盡青蔥濛濛露溼蘼蕪逕漠漠煙迷芍藥叢可憐花滿靈和殿可憐月照宜春苑婀娜遙傳鳩鵲樓低徊斜拂鴛鴦幔金屋通宵奏鳳笙玉堦永日移虬箭班女蘭房怨早鶯楚妃椒寢懷歸鴈別有扶風織錦人年年歲歲對芳辰心悲驛路飄香絮日斷江隄起麴塵麴塵香絮相思處黃榆遙憶龍城戍塞北胡笳信未通江南玉笛愁難度江南塞北共青青況復分攜向短亭渭城細雨情何極灞水斜陽淚欲零此時楊柳春如夢此時畫閣春陰重對鏡臺前憶舞鸞吹簫樓上誰招鳳金閨寂寞度華年傅粉熏香整翠鈿畫成眉黛無人見瘦損腰肢只自憐腰肢眉黛多悽惻坐挽柔條長歎息不作亭皋解佩身寧招梁苑彈琴客惆悵延年一曲歌芳暉欲晚感蹉跎應知

紅杏累花盡應惜青梅落實多青梅紅杏開還謝金鋪又見飛綿下北館悠悠拂畫橋東郊冉冉凝雲榭畫橋雲榭迴生愁無那年光易報秋斷腸明月烏啼夜搖落西風杜若洲

送人之武林

渺渺西泠路煙波唱竹枝梅花高士宅芳草水僊祠細雨停官舫輕風颺酒旗蕭孃遺蹟在愁絕柳如絲

贈張行人大木先生

梁采

久向人間作歲星翛然山澤緬儀型縹緗自檢高人傳花藥先開佚老亭西磧梅香筇杖健南湖蓮放釣船停蕉衫箬笠神仙似團扇圖來又畫屏

皇甫林弔陳黃門

子龍

故居

湘真遺閣久飄零細柳新蒲滿夕汀正則懷沙魂未散萋宏

藏血墓誰銘東吳賓客開壇坵北地文章示典型所惜玉樊
俱泯滅雲旗風馬共揚靈

送別

春水送行舟春江起暮愁花殘金屈膝歌賸玉搔頭細雨藤
燕逕香風杜若洲蹋青攜手地何日繼清游

采蓮曲

江南煙雨新波漲白蘋紅蓼秋江上浥露芙蓉曉盡開
風菡萏遙相向蓮葉蓮花一望同鴛鴦翡翠滿芳叢澄潭遠
參差見曲檻迴橋宛轉通此時越女妝成早弄珠拾翠思芳
艸自放蘭橈向曲池親攜桂楫臨華沼池沼水云云相思隔
曉雲紅衣明玉腕翠蓋映羅裊羅裊玉腕情何極相逢細語
垂楊側北渚將迴青翰舟西津猶駐黃金勒杳杳微聞水調

歌西風欲起奈愁何紅蓮結子心終苦碧藕牽絲恨轉多殘
霞散綺天將暮回首雲中明月吐滿船涼露溼吳衫畫樓燈
火催歸去惆悵關山人未歸涉江望遠淚霑衣祇愁蘭澤清
霜下寂寞橫塘墜粉稀

螢

蕪城舊苑事俱非又向深林幾處飛梅雨池塘時遠近藕花
庭院見依稀畫簾月暗光初度書幌煙深影漸微最是新
團扇底有情夜夜照羅衣

東菴夜宿

空山蘭若靜况復近深秋清露滴苔徑夜寒生竹樓月高香
梵寂風急磬泉流此夕東林社繙經對惠休

宿靜長書屋

在橫雲山清
河義莊內

方池澹微波迢遙映明月竹外水禽歸露下荷香發夜靜獨
憑欄涼風起蘋末

微雲度遠山夕陽下高閣梧竹何蕭森綠陰散簾幕曲逕不
逢人茶煙出林薄

題蘭泉書屋壁

愛吟支道林語蘭泉淨色身支公語也恰獲顧云美書額本顧移置小

窗深處香燈儼似精廬

山中曉起見梅花

初日照幽徑微霜零碧苔空山春信早一夜梅花開暗水響
叢竹寒香生石臺翠禽曉未已杳杳曉鐘催

慧日寺東偏梅數百株花時極盛或云昔年寺僧所
植又云即副使王元翰所梅花林皆不能考其所自

手植何人不記名千枝如雪隔橋橫冰霜歲晚香先發水月
宵寒影更清品格豈容霑粉墨風標只合老柴荆殘鐘冷磬
伽藍近常與松篁締舊盟

晚眺

雨過荒磯長揭車殘雲收盡暮天虛春花拂地聚棲鳥野水
臨門聞打魚世事都消憑几裏閒情只在看山餘傍籬高樹
緣坡竹清夜含風一嘯舒

張墨岑

宗蒼畫冊在京師作

鴨頭新漲滿迴谿略約斜橫著水低一夜東風吹雨過蘆芽
荻筍葉初齊

編得香茅築小亭藥欄落逕草青青閒門六枳無人到自檢
琴經與鶴經

梅坪竹塢水粼粼
衮衮衮衮衮衮衮
衮衮衮衮衮衮衮
日日浣紅塵

小蒸訪元曹貞素知白故居

沿緣小釣灘
問訊雲西宅
亭橋遺宿莽
花竹翳頽石
流連十
晦間緬想文章伯
曉晝寫煙巒
春漁啟蓬席
雪月最佳處
往來曳筇策
跌宕撰芳辰
招邀侶逋客
趙鄧暨虞黃
園池行謂趙文敏鄧文肅虞文靖黃文獻也
風標映琴冊
玉山草堂賢異地
信同
迹清門幸未墜
勝踐久非昔
落照下澄湖
遙峯亂蒼碧

偶作

碎金小帖未模餽帖集趙承旨殘字吟嘯堂高筆力孤額為董思翁所書俯

仰兩賢留妙蹟
閒窗斜日愛臨摹

桂影團圞上粉牆
如珠仙露不勝涼
最憐秋月圓於鏡
應有

姮娥伴夜長

月夕泊小鑑湖

斷靄蒼然來頽陽
下單舸頗愛玉一奩
恰對山九朶西潭見
明月幽賞今始果
漁網晚未收商帆遠
仍妥偶聞邨犬鳴
柴荆出燈火絕景似
剡川贈名奚不可惜
無四明客來此共敷
坐爐熏息幃幔嵐氣
襲巾裏柳梢風露零
時向篷窗墮

過東余憩明陳仲醇繼儒神清室白石山房故址在

其右蓋章公觀憲文所居

愛山循山堤幽花播
籬落未登金沙地已
契煙霞約徵君夙
所廬幽蹤宛如昨
卅年謝簪紱壹意隱
巖壑至今神清室扁
額照林薄其左水部
居粼粼白石鑿巧類
愚公移瘦疑鳧氏
削勝地蕪軒廊佳游
緬絃酌水邊林下路
何人再棲託三復

畫禪詩茗帚終擬縛

奉酬張大木先生

生平幸接孟家鄰，倒屣題衿意倍親。
長句豈能追李白，小言聊復比殷鈞。
每從樽酒欽前輩，卻愧文章附後塵。
計日泖湖秋色裏，笑譚還得共漁輪。

寄法蘭上人

憶昨山中宿柴門，聞夜龙孤燈青。
蘚壁寒雨白雲窗，泉響穿苔澗。
花深覆石缸，贊公今不見，獨聽曉鐘撞。

秋夜夢一泉上人

實源 卻寄

梧葉墮清響，西堂夜氣深。
煙波離思遠，殘夢到祇林。
澹月明幡影，涼風遞梵音。
香嚴前偈在，一笑證禪心。

言愁三首

消愁本無端，觸緒乃繚繞。
乍來似霏微，漸入更窅渺。
杳如霧未收，遠若夢初曉。
對月輒銷魂，聞歌愈盈抱。
生平作愁人，愁味頗能了。
非根亦非塵，象外每孤裊。
意惟大悲心，於茲偶萌兆。

秦客詠蒹葭，鄭詩怨風雨。
靈均溯湘君，木葉下江渚。
九辯乃繼之，西堂塵延佇。
其詞皆愁吟，其人盡愁侶。
微諷已悽馨，再讀轉酸楚。
悠悠望古心，千載渺愁緒。
風騷不可作，此意誰與語。

洗馬玉樹枝，渡江百端集。
綺羅尚不堪，慘頓安可極。
袁郎屆瀨鄉，登臨眺芳隰。
遼落感江山，陳詞幾欲泣。
凡此工愁人，言愁最歎喏。
夙昔攬其書，掩卷輒勞悒。
何況晚燈寒，虛窗寡朋執。
愁深不知愁，飄渺遠難戢。
轉覺佳趣來，時於此中入。
夜深

梧竹鳴風雨助淒急時聞孤鴻音伴我青衫溼

塞上曲

軍符昨日下午西京都護行邊事遠征鼓角風高秋出塞戈鋌
月冷夜移營

羽林十萬盡橫戈不許天驕更請和纔捲旌旗臨上郡前軍
已渡白狼河

風沙莽莽萬重山醉把雕弓月下彎回憶君恩身未報不教
兒女唱刀環

颯颯風霜點鐵衣親提一旅破重圍沙場日暮黃雲合獨斬
樓蘭報捷歸

絕塞秋高萬馬霜邊城寒色曉蒼蒼夜深明月橫滄海獨上
高臺望故鄉

烽煙萬里憶從戎欲寄征衣路未通一片寒砧聲不斷西風
吹入建章宮

書李舒章

雲

與蒲圻相公高

宏圖

書後

五馬南來已式微一緘猶藉塞鴻飛過江人物懷王導入洛
聲名感陸機此方誇爭有穀哀哀誰有賦無衣最憐蘇李
知交舊皇甫孤墳對落暉

謂陳黃門

七賢詩

張曹掾

翰

步兵工文詞託蹟乃清介遠懷南山蕨歸羨中吳繪適志名
可忘知幾身始泰作賦在首邱蕭然軼塵塹

陸補闕

龜蒙

閒園顧渚山小築吳江岸一咏迎潮辭幽棲宛如見襄陽耆

舊詩甫里先生傳何時把釣車煙波繼蕭散

衛文節 涇

文節鬱忠貞陳書必譽諤殷殷憂國心園林表後樂權門詎

可通偽學何妨託櫟齋亦聞人說禮肆鴻博 公弟是撰禮記集說一百六十

卷

楊提舉 維楨

寓縣駭龍戰江湖適鴻冥時攜水仙舫來對光祿亭鐵篴忽

吟嘯瓊花爭娉婷永懷雲林子垂老仍飄零 倪元鎮墳亦時游殿泖寓曹雲

西家最久

王布衣 逢

席帽山人逝梧溪精舍荒青龍萍梗地想見鬢毛蒼節烈輒
慷慨歌辭時激揚持較杜陵叟無媿一瓣香

陸文定 樹聲

非仕亦非隱中清還中權簪纓遣夙累山水滋深緣身踐夷
惠蹟壽契喬松年蜀洛分爭日出處良悠然

陳黃門

聲氣紹東林詞章邁北地艱危豁經綸盤錯展忠義何漸漳
浦知矧有玉焚繼一咏松柏桐懷沙共實涕

雨後登澱山望薛澱湖

晨颿振微寒曉雨豁新霽言訪一拳山緣涯泊蘭榭浮圖久
傾頽練若半蒙翳澄泓十仞泉下有蛟龍衛蓮漪縈秋蘋竹
徑蔭芳桂昔年雪浪中盼此等螺髻冉冉感桑田依依坐苔
砌夢窗詞最工梧溪句誰繼還憶白雲窗何由接衿袂

過雲和道院

下山漸遲迤入院更蕭爽紅葩冒砌繁翠蔓緣籬上不聞雲
和琴頗愛松風響羽流清而癯邀我卻藤杖旌蓋表華龕爐
香繞幽幌坐間冰玉姿宛契真人想規中妙緣督物外遊象
罔彷彿洞庭秋凌虛謝塵埃丹訣儻可希黃庭庶能養終擬
學餐霞于茲遂冲賞

晚入圓津禪院觀書畫

斷雲開夕景天水餘清蒼回塗訪初地入戶聞名香翠筠被
曲徑朱槿依層廊夙眷墨華禪小憩依藜牀鐘魚歇幽響翰
墨遺羣芳容臺及煙客妙蹟紛成行上人似知藝見華嚴經累葉
傳縹緗空門本非空手澤何能忘掩卷起太息斂袂登歸航
漁梁路未暝纖月升柴桑

修竹吾廬

廬為宗人素嚴編修茹生隸書

曲徑堆黃葉荒陂滙碧渠猶留數竿竹長映八分書農圃傳
先業漁樵守故廬叩門佳客至倚檻看芙渠前為湧月亭

青龍江懷元瞿慧夫

智

王原吉

逢

龍江如龍蟠天水湛寒綠黃雲萬頃田翠葆千竿竹時聞雞
犬聲漁樵隱叢木前修高蹈處習尚頗淳樸因懷畫蘭翁慧夫
工于此主席塾詩書擁皋比絃誦振蓬屋賓朋載酒行野饌
招近局詞翰至今傳珊瑚溢細軸詩文俱載鐵網珊瑚梧溪亦卜居避
世守初服上策契飛鴻原古築冥鴻亭于此中原忘逐鹿幾如畏壘山
鄉人但尸祝獨惜醉眠亭煙蕪昧遺躅米碣久不存蘇咏誰
堪續向晚春潮生風濤滿迴隩

由香花橋過七寶教寺

晚經梅家厓晴曦香花橋微露泣蘋葉寒漪浮緯蕭時看滯

穗積因驗秋田饒黃緣度一曲名利森孤標機雲贖陳蹟吳越傳精寮鐘魚午梵寂翠羽啼涼颿函開經藏古坐久鑪煙消不逢碧山僧獨撫蒼檜條曠思隨松雪撰杖長吟謠陸文裕公題七寶寺僧詩卷小序云此卷蓋張友山先生筆初為法忍寺作復書此以遺碧山僧豈其所珍愛者耶寺有五代時檜趙子昂亦有詩

雪後渡柳登長水塔院

晨起朔風寒煙蓬綴殘雪放櫂出長湖初陽尚明滅顧茲景色清契予襟情潔漁步曾未施僧寮磬初徹稍見藏經樓金輪更巖嶮冰銷苔逕滋茗罷鑪煙絕洗石席屢移援藤屐頻抑蕭蕭閑鷗外數點空翠列問禪懷導師選勝企前哲何時翫月堂天水攬澄徹

西齋聞琴有懷邵秀才玉藻

殘雪滿葦竹夜寒彈玉琴商聲起瑤席蕭瑟散疎林風寂鴈初下霜清鐘欲沈佳期杳難即月落水雲深

金澤入頤浩寺還泊蘆花村乃楊鐵厓倪雲林游賞處

寒濤散千頃曲渚渺一痕翳然林木際躡屐游祇園斜穿貝多室徐踐梅雪軒琅璫振高閣薜荔衣重垣忠定榻久圯文貞袞猶存遺徽等玉帶妙諦懷風幡還燒冒雨雪近泊蘆花村雲西昔卜築藉卉攜芳樽廉夫旣鳳隱元鎮仍鴻鸞釣灘詎云小蜚遯超卑喧前脩世莫覲絕景情所敦願邀蓮社侶寺東有蓮社菴攜手歸衡樊

蓮湖寄陸秀才湘萍

五茸屈東南煙波互吐納挂席向長空依稀水天合人日近

初春

時初十日立春

寒風餞殘臘葦閒維松船柳外攜畫楫閑措石

徑筇遂造禪家闔頗憐伽藍寒孤僧挂毳衲寂無梵音放遠

有漁歌答茲湖洵清虛夙少秋蕖匝乃聞蓮葍繁每與蕪絲

雜靈異匪所思湖中並無蓮花而時塵蹤愧迨逐晴雪滿疎

梅折枝寄朋盍

吳淞江口曉發

曉聞榜人喧颯颯潮初涌凌空白鷺濤觸岸勢疑動蒼茫雲

下垂浩淼雪齊擁將毋天吳騎能使河伯恐震澤導歸墟三

江實其總魚龍恍蟻蚋朝夕互瀕洞南洋萬里沙蹠口時閉

壅比來疏淪勤畚缶並騰踊遂無旱澇虞坐致禾麻奉客帆

寫容與漁唱樂閒冗何繇仿天隨誅茅闢荒茸

過石浦

漁步烏墩涇邨橋道褐浦西行盡水鄉湖漚眇難數樹杪風

忽生送此煙中艣迢迢見紺塔往往聞戍鼓春光寒食前泥

暖芹芽吐誰憐小梅花零落在香土農家東作興荷蓀雜亞

旅穡事良可懷曩哲何由侶行從上豕還數椽開小圃

經真義村蓋玉山草堂故址所在明夏太常亦卜

築於此

松篁遠如畫隱見江上村雲巒隔春郭煙水環衡門玉山最

佳處曾此開琴樽簾櫳浣華館荷芰釣月軒往來漁樵侶况

味同蘭蓀卑棲乃足樂避世差能存太常稍後出接蹟營邱

樊遂使信義里幽勝疑桃源酒旗泫清露漁屋明初暎願言

偕金粟抗手辭囂喧

橫塘

春水三篙綠春巒一桁青乘潮挂帆席風色正泠泠叱犢煙
中徑又魚柳外汀酒樓聞擲笛淒切最堪聽

登橫山訪姑蘇臺故址

宿鳥起疎林初陽破蒼靄捨舟杖策行蕭然絕塵隘層厓互
蔽虧古屋相映帶言訪姑蘇臺榛蕪足深慨憶昔棲越時復
讐志已快遂因神木來金碧窮藻繪春宵旣遷池海靈更瀟
灑玉檻與銅溝窈窕供粉黛重違靈胥言復作黃池會一經
洩庸軍參雲竟安在杳杳放梵聲依依出香界重巖翳浮嵐
清泉下幽瀨迴步聽樵歌松風響虛籟

支硎寺示靜菴上人

春盡草木長叢竹俱扶疎嘉遊興未愜弭櫂尋精廬偶愛煙
際寺遂卽林中塗日晚粥鼓靜鐘梵流空虛石泉滋芒履幽
鳥鳴堦除緬懷支道林清風動賢愚沃洲與報恩瓶盃隨所
如何年過石室小築營禪居想與王謝輩妙解蒙莊書有時
放孤鶴縹緲西南隅空亭旣蕪沒注漬成荒瀛與君捉麈尾
望古徒煩紆

寒山寺

微雲淡春陰叢薄起清吹細雨未霑衣幽尋石山寺名藍放
梵初鐘聲出林際長松洗孤青修竹落疎翠生平愛此勝頗
識清淨退擬從不二門齋心問妙諦日暮登層樓煙鐘度髮
髯回首眺楓橋漁燈晚迢遞

天平山

昨從東菴來已見山南寺攝衣再登臨水石亦幽異
微清殘照下深翠新篁欲參天解籜紛墮地何處鳴榔綠

繞松杉際入暮聞疎鐘芳露霑衣袂

登穹窿山絕頂

六六洞天不數此丹臺何以誇峻嶒茲來絕磴望不極始覺
一氣連青冥憶昔茅君此棲託乘龍上馭傳初成嬴秦嘉平
始改臘遂慕遠祖期飛昇太元玉女下指示授以九錫升瑤
京一家兄弟入仙籙句曲勝地留佳名吳中後亦有遺蹟至
今祠廟標朱甍煙霞終古閱巖穴香篆永日飄檐楹層崖肅
穆少人蹟惟聞朝夕鏗華鯨空壇彷彿見神鬼古洞滌滌來
風颺綠文赤字世莫識羣真下讀生光晶清遊更登白馬嶺
下瞰蒼莽雲煙橫七十二峯列几席玉湖波浪交迴縈法華
漁洋半隱現爾時意欲無滄溟生平局促在塵海天都地肺
無由登對此良足拓懷抱恍惚身在雲霄行便思舉手招白

鶴東去方丈求仙靈青童真人共游戲醉聽玉洞吹鸞笙

龍興寺

巍巍化人居穆穆蓮花域傑閣聳層霄飛樓俯廣陌幡幢初
地巖象緯諸天逼香界何森沈緇流來絡繹緬思龍興初青
宮扶社稷夜半隕繁星武韋並誅極王業實中興乃歸象教
力賜額表禪林往事具簡冊高棟承雕甍構櫺附文碣獅象
拱層臺蛇龍走古壁輝煌清河公雄文麗碑刻更有校書郎
銘詞氣旁魄迄今二千載依然見遺蹟法雲擁香林花雨灑
講席因思南北禪故址盡荆棘惟此尚崢嶸蒲牢響朝夕梵
唄仿潮音松杉照秋色俯仰感廢興遙山夕陽碧

楞伽寺晚坐

青山生夕寒餘輝澹蒼浦蘿徑起春飈殘梅滿磻戶遠墟出

疎燈古寺鳴法鼓稍聞斷鴈聲隱隱落前澣不見雲門流晚
煙散平楚

坐小吳軒

綠陰語幽鳥山館晚初晴苔徑少人蹟雲堂遞梵聲篆香風
外度埴影水中橫何處吹長笛微茫月已生

題夏內史

完淳

玉樊堂集

家國淪亡後詞章喪亂餘八哀歌杜甫七日哭包胥字斷疑
科斗文殘恨魯魚賦才追小庾千載共欷歔

事已悲青蓋官猶重紫薇黎侯靡所與邠子又無歸起舞攜
長劍從軍拂短衣飄零鮫客淚點點化珠璣

慷慨籌時略蒼涼絕命詞蠟丸通閨道壘粉恨偏師敏慧前
生業流傳後代悲湘真遺刻在珍重並尊彝

湘真艸陳黃門所撰內史其受

業弟

送楊石漁

磊

之安陸

客游已寂寞話別更淒然江遠帆如雪春深艸似煙野花郎
子國新月楚人船計過昭邱路題詩向玉泉

題蘇文忠公書春帖子詞後

聚奎五緯昭人文眉山蘇氏當其倫錢唐召還掌制誥強圉
單閼逢新春蒼龍挂闕農祥正協風已有豐年慶璿宮瑞雪
獨承歡椒寢仙雲凝譽命於時世運轉昇平陰隲全消朝旭
明涼水名臣先入相一時舊德盡充廷惟公榮遇膺書局落
筆風生散珠玉召對承恩先賜緋退歸入夜還攜燭陽回芳
律轉殘冬帖子書成進兩宮龍樓鳳閣春雲麗玉署鑿坡曉
日融一心一德多歡讌高才自足雄三館進御時邀明主知

題詩更得宣仁眷一自明年社飯寒南荒九死歷艱難家鄉
雲樹風濤外宮闕觚稜夢寐閒可憐姓氏連鈞黨詞章又見
遭文網玉躔金題幾變更鸞翔鳳翥仍蕭爽撫卷徘徊太息
深汴梁臺殿久銷沈只餘環翠亭中物想見孤臣海外心

題黃尊古鼎小幀

煙外青簾小舫雨中紅版長橋誰在山樓理詠隔江楓葉蕭
蕭

曉坐柳上水亭

遙夜清溪口林端碧漢斜涼波渺風露開遍白蓮花山月墮
深樹湖雲生曉霞滄浪傳逸響煙際有漁槎

水館對雨

黯黯秋陰重霏霏暮雨遲稍增紅藥潤漸覺碧苔滋密響叢

筠得初涼小簟知水亭閑曠望蕭瑟滿方池

崧宅塘舟次

十日寒塘雨白蘋花漸稀煙中釣艇過已見水禽飛野店落
黃葉山橋通翠微忽聞小海唱清籟滿林霏

斡山啜玉竇泉循雨華洞而下

斡山如散人素尚在真率久辭花藥繁豈厭荆榛密况逢霜
信餘落葉滿橫術即景頗荒寒臨秋倍蕭瑟獨吟梧溪詩緬
想思翁筆彌羨竒隱生當年結蓬筆名流偶延佇微步信超
逸雨華洞已湮玉竇泉猶溢小試紫茸茶餘馨散愁疾還循
冷水灣幽賞興未畢

晚登崑山過泗州堽院訪二陸讀書臺

撫序屬蕭森緘情慕婉變迢迢谷水陽嘯侶愜微眷堽院蹟

未湮書臺勝堪玩永懷南國紀潘尼贈士衡詩穆穆伊人南國之紀似媿東曹

掾成都誤因依壯武枉論薦遂蒙酪奴譏終軫鶴唳歎竭來

奠尊羹蘭植信幽贊晉書二陸傳贊云蘭植中途必無經時之翠徘徊弔古餘畢

景下叢灌從知才患多庶幾性能繕

玉屏僧居秋夜

煙鶴語蒼迳秋山風露寒蒼蒼竹林月流影柴門端幽草暗

蛩歇閒堦落葉殘邱中有孤賞玉軫為誰彈

再過神清之室

谷口起暝色蒼蒼竹徑深松風落寒吹萬壑有清音試問徵

君宅煙霞尚可尋稍看東澗月清影上疎林

宿茗菴菴

名藍自蕭寂況在秋山偏蘿月散清影竹風流暗泉雲堂禪

唄響雪屋佛鎧懸不遇南能侶誰同證梵天

尋西奈花影菴追悼明施子野紹萃

東余信邈迤西余復深窈苔磴隱高杉蘆灣背叢篠子野昔

此居遺蹟儼未埽隨宜置軒窗刻意繕林沼愛尋佳士遊兼

集倭人僚遂與清微亭風格鬪分杪祝花更吟雪清詞比香

草金谷賞不窮玉樓竟先兆襟韻羨幼輿年華等叔寶勝地

今雖蕪芳名遠終紹想當挾飛鸞氣共秋天杳

晚入清河義莊再晤一泉

橫雲遠如雲雲碧閒嵐翠小泊近前灣蘆花起涼吹取逕入

閒園循牆卽初地名僧高坐流豎拂解譚藝墨參花光妙書

愜懷仁意沈水證香聞茗柯獲禪味夕陽忽滿山臥具何由

寄惜別獨歸舟涼霏溼衿袂

落葉

太息深秋景物非，謝家芳樹見應稀。
飄零如雨來書牖，斷續隨風下釣磯。
波起洞庭人渺渺，歌殘漢殿思依依。
故園回首春游處，一路濃陰接翠微。

泗濱有懷元孫山人明叔

夙慕停雲子，扁舟逸興多。
洞簫今寂寞，映雪齋名復如何。
月出見鷗鳥，夜寒聞櫂歌。
秋江煙水碧，誰爲理漁蓑。

過謝氏山居

紅葉滿林薄，寒山樵徑微。
永懷孟處士，獨掩荒園扉。
雨雪故人少，桑麻生事稀。
願持一瓢酒，歲暮好相依。

田家雜詩

茅屋八九間，門前臨江湄。
江中饒蒲葦，菱葉何紛披。
日中采菱去，濯足臨清漪。
蒼蒼遠山淨，渺渺寒林稀。
采摘既已足，浩歌從此歸。
道逢漁舟來，相見情依依。
謀生雖各異，衣食同所資。
笑言不覺暝，夜火生柴扉。

晨起霜氣白，寒鵲散前村。
初陽麗東隅，微風扇餘溫。
層雲冉冉合，朝景忽已昏。
東家具酒食，西舍羅盤飧。
隔溪召亞旅，刈穫爭紛紜。
穉子亦奔走，負任歸柴門。
藉以勞筋骨，且免風雨患。
農事幸稍畢，頽然臥前軒。
比鄰夜相見，笑語多餘歡。
有孫纔十齡，從師入鄉塾。
清晨抱書去，日暮歸來讀。
秋清燈火明，經聲出茅屋。
對此發長歎，人世多寵辱。
幸作農家流，俯仰亦已足。
豈爲富貴謀，聊使辨簡牘。
夜深寒月升，流光照喬木。
呼孫且出門，空場掃餘穀。

小圃僅畝許，編籬以護之。
秋風忽淒厲，瓜壺各已萎。
一半築

春歸堂集卷一
爲場平坦頗不畝牛羊縱橫臥鳥雀亦分飛餘地久不理蔓
草餘荻其萬物乘時出寒暑率有宜不見嚴霜下萊甲方舍
滋園蔬雖云賤佐食恆于斯奈何任荒穢遂使地利遺太息
荷鋤去力作終難辭

雪

竹外蕭蕭響風吹到曲欄紙窗一夜雪草閣不勝寒老鶴鳴
苔徑飛鴻度遠灘江鄉生事好燈火話團圓

送人歸苕溪

忽有故山感逢春返釣磯江梅經雨盡沙鷗入雲飛亂水通
漁汶孤村掩竹扉臨風如見憶莫使尺書稀

雪後懷杉公歸真州

籬落翠禽語杳然谿路幽寒煙生竹屋殘雪滿漁舟楚寺人

方遠吳波晚更愁早梅入江笛應好寄前游

送性恆上人歸天台

赤城終古削岩巖杖策重看度石橋百道飛流懸絕磴六時
清梵出層霄瓊臺秋散香林雨華頂雲連碧海潮欲問法華
求止觀何時信宿共團蕉

李長蘅

流芳

西湖小幀

桃花雨過水連天十里長堤送柳綿好是段家橋下路遊人
齊放總宜船

一桁遙山翠色濃白雲渺渺路重重斜陽欲落微風起吹過
南屏寺裏鐘

柏堂舊蹟久荒蕪煙水微茫接裏湖風外楊花濃似雪清陰
綠遍酒家壚

布穀聲中暮雨餘溪山樓閣迴清虛何時小築西泠路碧樹
晴雲好讀書

題沈少卿宗敬江村圖

結得香茅八九椽閒將詩卷作因緣魚租鶴俸分支罷穩向
繩牀跂脚眠

湖田一稜傍平蕪鹿眼籬笆入畫圖瘦石疎花藏鶻子曲屏
小檻臥狸奴

題高氏石壁寺鐵彌勒像頌後

墨花秀勁清而腴問誰作者由名姝文詞先標林諤題額
次紀參軍書茲寺在晉西山隅像設久已淪榛蕪文德過此
偶不豫玉衣旋覆沈疴除詔令名山悉表刹遂復金榜昭寰
區燉煌邑宰繼有作長廊峻殿相縈紆導師更鑄慈氏像飛

廉回祿噓洪爐序云回祿藝雲而噴鍊飛廉噫風而沸液製成如在兜率院萬人

踊躍天神趨買園施樹昔有記思勒貞碣蟠龜趺鐫華石墨

藉女士渤海高氏名鄉閭妝臺書靜想下筆彤管有煒雲霞

舒開元名人盛執事顏真少元張少元李邕蘇靈裴湊徐浩不

圖閨幃乃擅此應與衛鑠千秋俱廷堅政頌惜遺佚古今碑帖攷有

房嶙妻高氏書太谷縣令安得盡攬珣琪玗獨憐嶙也本土

族宰相世系同崔盧奚為文采罕表見愚蠢得不慙金夫摩

宇望古莫深喟聊與繡閣供臨摹碑載前濮州鄆城縣林諤撰朝議郎太原府司錄參

軍常山蘇宛題額太原府參軍房嶙妻渤海高氏書寺在西

山石壁谷太宗文德皇后過此不豫禮佛而愈更為修建開

元開邑宰燉煌張某增葺之曾灌潤等又

禱鐵彌勒像一軀修諸好相故為頌銘

過吳江

煙村一路鷓鴣啼油菜花殘豆莢齊幾日東風微雨過春蕪

綠遍畫橋西

黃茅小屋映桑麻芳渚迢迢略衍斜竹外水邊無客到門前
滿盡碧桃花

筠溪早放貓頭筍柳岸初添雉尾蕪鶯脰湖邊風物好綠陰
深處繫漁輪

籬籬宛轉護柴門書屋斜臨水竹村一曲澄湖平似鏡權歌
落去月黃昏

蘆墟

微雨清宵過村墟更晏然雞豚依稻廩鷗鷺上漁船機響窗
中織炊深竹外煙此鄉同建德何羨武林仙

鴛湖道中

綠水泠泠映碧紗落梅風裏纜輕槎行人但覺春寒悄竹外

緜桃已著花

上天竺

移舟泊金沙宿雨欣初霽躡屐遵山程招提露松際先尋緜
經院遂造法喜寺林霏尚杳靄精舍互相次瑞像表瓌材歷
世著靈異幡幢備莊嚴香火集婦稚往往降和甘春秋走羣
吏閱時歷宋元亭軒頗荒廢小坐啜名茶翛然發幽思稍聞
清梵聲隨風出嵐翠

飛來峯

芒屨不知疲賈勇望靈鷲言從印度來此語或非謬天工出
怪奇山骨妙琢鏤大士旣莊嚴應真互輻輳瓔珞儼飄揚幡
幢見雜糅冰柱挂重崖石髓結淵溜獅王昂厥鼻鬼伯引其
脰梅檀暨曼陀散空莫可究乙乙穿瓏玲紛紛極縞瘦閒以

千歲藤輪困絡巖岫洵由天竺飛至此表浙右兼以唐宋刻
凹凸莓苔厚仰觀兼俯察徘徊逾日晝饑渴乞冷泉聊用資
盥漱

靈隱

寶地聲名著花宮世代遙景因慧理勝詩數駱丞超鐘版雖
閒靜靈山未寂寥天香方丈裏小坐借團蕉時漢月後人住
此雍正年間以
其悖天童之教
不許開鐘版

林處士祠在聖因
寺後

孤山南麓寺門開巾拂翛然絕點埃身在莊嚴香界裏不須
子鶴又妻梅

春融堂集卷一終

春融堂集卷二

青浦 王昶 德甫

琴德居集丁卯 己巳 戊辰

邢女廟

風卷靈旗半掩門時聞報賽薦雞豚不知銀杏雙株下誰奠
雲芳烈女魂明烈女楊雲芳
墓在澗山後

茜墩訪顧寧人先生故居

寒飈卷平原落葉走長陌誰知叢灌中舊有名儒宅抽思跂
賢關發憤窮聖籍六藝廣研覃羣言綜繁曠尚友在詩書論
交類草澤頗羞子雲居欲侶田橫客志不怠刀繩情豈慕旌
帛燕秦適莽蒼嵩華徧行役終焉需於泥洵矣介如石惟此
一畝宮曾聞展函席梁父空謠吟平陵痛屯戾衡茅迹已荒

著撰人爭惜雞豚曉日紅鳧鴈滄江碧再拜向遺墟仰止何
由釋

過崧宅塘

吳天橫斷靄漁火遠江生杳杳蒹葭岸時聞欸乃聲孤邨連
雨暗野戍入雲平忽憶宗城令高風萬古情

唐顧謙拜貝州宗城令棄官隱

南翔問李長蘅檀園荒廢已久

薄霽收殘雨輕雷送晚陰層樓多傷水小市半依林夜火官
橋靜人煙古巷深檀園遺址盡悵望一沾襟

春申君廟

楚相勳名盛吳墟廟祀存笙簫春社靜風雨古牆昏崇道知
荀况遺謀失李園三千珠履客誰解報深恩

臨頓里

曉日魚蝦市遺墟鴈鶩田松筠成小築水石足清綠軼事襄
陽傳叢書笠澤編獨嗟皮逸少故宅有誰傳

伍相里

神座當殘照靈衣覆古苔竟成破楚志空擅伯吳才問渡情
猶在投江事可哀扁舟輸少伯浩蕩五湖回

何隱君別墅

虎阜畱初地橫山得故居古松低覆屋流水曲通渠掩徑苔
紋石臨牕貝葉書安能攜坐具來此闢精廬

宿中峯庵

杖策尋山徑焚香宿化城空齋人語歇遙夜佛鐙明願息塵
中駕相於物外情況逢支許侶端坐學無生

過蔣編修西原先生 恭棊 小飲時李編修玉舟 重華

在坐

摳衣奉席仰前修，畱客花間共勸酬。
三館詞章歸載筆，五湖雲月付拏舟。
著書自欲齊中壘，名德人知重太邱。
笠澤蘇臺成二老，往來筇屐最風流。

泊西神寺山麓

小舫維沙岸，精寮近水隈。
帘垂風外柳，碑蝕雨中苔。
幽鳥臨谿語，疏花夾澗開。
雲堂清梵寂，坐聽放參回。

五牧

莽莽寒蕪路，驚心戰伐年。
成仁悲尹玉，行法失張全。
掬指殘軍痛，招魂故相憐。
傳聞千載後，青燐尚淒然。

贈吳教諭企晉 泰來

玉樹遙思久，瓊枝結契初。
風華江左習，詞賦茂陵書。
譽已經平子，企晉極為李布衣果稱許人真似幼輿。
祇堪山澤裏，鸞鶴伴幽居。

秦淮水榭

玉鑪香燼漏聲稀，漸覺輕寒到葛衣。
涼露娟娟楓欲下，澗江淼淼鴈初飛。
好聽北里新歌起，莫問南朝舊事非。
回憶五湖秋色遠，白蘋花發徧苔磯。

卞忠貞公墓

歷陽營鼓聲登登，犢牛六足恣奔騰。
大馬小馬童諺作，尙書謀國憂墳膺。
永昌何爲乏遠計，司農下詔徵常侍。
不能廷尉望山頭，寧知狼子終難制。
東陵渡口兵倉黃，烽火夜照臺城旁。
背瘡未合力戰死，二子策馬相從亡。
忠臣孝子真無兩，況有宏訥爲陳狀。
出走空悲劉大連，俘囚卻笑刁元亮。
當時賜

祭贈葬錢經營廟貌畱千年侍郎都尉各拱侍靈旗玉座紛
巍然嗚呼人臣要在能報國士行坐視終何益地下擎拳透
爪時應知獨望江州檄

方正學祠

亭空木末倚江邊祠外寒濤怒蹴天南去冠裳隨玉步北來
烽火恨金川學宗吳柳文章古名竝齊黃節義全怡與侍中
遺廟近雲車相遇一悽然

雨後登燕子磯

勞人積羈心矧茲值秋晏駕言從遠游征屨事怡衍朝辭建
康城聿來肆游眊援蘿躡危磯捫葛躋絕巘密霧隱前汀屯
雲聚高岸大江向東來煙水互涵演傾崖棲潛虬層阿起宿
鴈九派水此歸三楚地所限升喬悟超越憑虛駭汗漫心賞
寧有渝情愜得所願感時奏長謠庶免盈襟歎

江上

寒鴈下蕪城暮靄生遙巘蕭蕭楓葉疏漠漠蘋花晚雲飄煙
際收江笛風中斷何處最相思殘鐘楚天遠

京口晚泊

明月生江上天寒萬籟清依依聞遠笛渺渺度深更客舫參
差泊漁歌次第生謝郎千里思茲夕倍關情

倪雲林故居

問訊蕭閒館疏林起暮颺晴嵐當畫閣碧樹隱平池詩卷俞
和寫風流饒介知飛花浮茗處憑弔起相思

梁谿舟次

水國斜陽晚停橈古渡前白蘋殘暮雨紅葉滿清泉遠火明

山寺寒鐘入夜船愁聽雲外鴈嘹唳度長天

葑谿曉泊

一夜菰蒲雨鱖谿秋水生臥聞榜人語煙際釣船橫蘋葉曉
微墜野禽時獨鳴稍看叢竹外初日數峯晴

泊青陽

風竹晚蕭蕭云是青陽路籬落綠雲中沿谿見漁步茲來秋
已殘紅葉散津渡荒墟竄鼯鼯遠渚亂鷗鷺不逢絕世人何
從展幽悵微吟感遇詩彌廬閒居賦明晨楚誦亭行滕縛雙
履玉局表高懷悠然啓遐慕

罨畫谿

谿山宛如畫誰信畫不如含翠峯窈窕殷紅樹扶疏澹旭偶
明滅微雲互卷舒絕景詎能狀心賞與之俱微寒霜未降妍

同春初我時駕扁舟弭櫂依森筵香杭林下飯臺笠煙中
漁母乃隱君子耦耕希溺沮屬時歲將晏孤征情豈攄忽增
世外想清磬來精廬

西泚

未游善卷洞先泚長蕩湖茲湖稱西泚寒淥涵清虛涼風晚
不起明鏡開奩初迢迢蘋荇亂漠漠颿檣舒北流接梁谿西
路通具區疏陰桑柘外竹屋棲秋漁微霜昨夜降楓葉明邨
墟斜陽澹暮靄遠見征鴻書雲山洵幽絕逸抱何時攄誓攜
雪中權來卜水榭居

國山碑

我從洞汭來山水倍蔥蒨煙巒遠迤邐葭葦互凌亂罨畫已
幽深銅官復婉孌或言國山陰石罅可辨踰嶺一摩挲斑

駁麗苔蘚其圍度丈餘刻畫稍漫漶其行四十三其字徑二寸造自天璽年歲陽尙可按時皓頗驕盈羣臣乃逸諺甘露罪林巒瑞星爛霄漢赤文比金符綠字擬錦段下至物類繁奏上恣欺謾一千二百餘巧歷誰能算司徒與太常持節莅封禪自謂功德隆三五欲同貫南蠻已交攻西首正强悍阿童駕樓船木梯徧江岸薛瑩先乞降張悌復死戰倉黃輿櫬時奉書詞悽惋回憶初平初英雄起江甸父子騁奇材兄弟亦交贊畧地劉繇奔用火曹瞞竄遂定業三分鼎峙河山奠四傳逮彭祖生民日塗炭乃知幸禎祥實以兆禍患碑辭豈足憑先機失吾彥嗟嗟板蕩時臣工擅詞翰揆藻仿典墳結體沿隸篆蘇建與華覈才名高東觀當竝敦彝傳豈同耳目翫行將闢荆榛響拓極神變第恐六丁收蛟螭激雷電

訪任公釣臺

昔誦南華經投竿向東海樂安非其倫巨擘意何在騎兵忽升庸俯首備朝案一麾出守時託興轉瀟灑頗聞決事餘蹤迹雜樵採煙波寄風標詞藻散霞采從游有茂公相於擷蘭茝校書性所敦食麥貧無悔冉冉高臺傾渺渺清流滙一諷絕交篇含悽亘千載

溧陽道中懷李布衣客山

果

夜寒宿葭葦清曉聞拏音涼風吹雨過衆嶺澹澹陰殘葉墮秋水棲鳥鳴孤岑眷言同心友離居思難任想見衣薜荔讀書松桂林躬耕諾古處高臥辭塵襟素侶時復遇嗚此風中琴興發流水引還爲滄浪吟應知念行役悵然嗟滯淫

楓隱寺宿

斜照下秋澗蒼然斷靄空人來疏竹外犬吠暮雲中落葉亂
無數寒泉響不窮幸隨蓮社客清話一宵同

蓮湖夜泊

日暮北風寒落颿向南浦薄靄空山來蒼然散平楚野徑極
清曠稍見漁樵侶竹樹翳遠墟煙火起別墅時聞雲外鐘禪
林信何所秋江生層波杳杳征鴻語夜久鏡遂昏孤篷滴微
雨

晚渡瀟湖

水渺無際楚天聞斷鴻煙中辨漁唱杳杳清谿東細雨亂
鳴危橋曲渚通澱湖颿落後孤驛夜鐙紅

吳門寒夜

過鳴雞埭重游走鹿場江山經楚甸風雪灑吳裝作客當

殘歲還家尚異鄉故人一尊酒相對慰愁腸

客路棲遲久高堂問訊疏誰人供負米有夢憶牽裾歲晚猶
催織天寒尚倚閤回看慈母線涕淚滴方諸

歸家得邵玉隸信

小船昨夜返邨居蛛網蝸涎自掃除龜手誰人知買藥蠅頭
獨自愛鈔書薄寒小酌三升酒晚食先挑半畝蔬猶喜故人
能記憶已從圓泖寄雙魚

移居八首

移宅清谿畔閒居得地偏階緣沙石甃門藉竹籬編窄徑通
瓜圃低窗傍藥田蓬蒿吾已足偃仰度殘年
五畝開樵路三閒闢草廬東西陸氏宅南北阮家居竹裏尋
花屐梅閒采藥鋤便隨藥若去未惜世緣疏

別港鄰花嶼回汀抱柳橋菱荷秋瑟瑟梧竹雨蕭蕭捕蟹啜
寒火以魚候蚤潮此中生計得隨分老漁樵
卷幔開疏箔移牀近短檝研分蠟黛綠墨漬麝煤青殘碣來
禽帖叢書相鶴經芸蟬堪永日門巷晝長局
水檻閒憑處江樓悵望時漁家煙際篋酒市雨中旗短柵沿
谿曲孤颿隔浦遲高眠方跂腳落葉又催詩

菜自園丁送薪從野客分封泥培橘友曬藥驗桐君盤飮霜
前栗羹調雪底片更知下濕熟安穩臥谿雲
獨處懷招隱幽棲藉解嘲宗雷蓮社侶嵇阮竹林交荷蓀尋
魚簣扶藜數鶴巢清言同散髮款款坐林坳
暮靄生樵徑斜陽下釣灘雲生長柳澗木落四峯寒鄰織鋸
前急邨春月下看西郊行藥返露滿菊花團

西齋雨夜懷凌秀才祖錫 應曾

黯黯窗下燈沈沈雨中漏松篁互蕭森稍辨滴簷溜幽念集
清宵遙情屬故舊眷我離居人晤言阻林岫夜半鴈聲寒想
見吟詩瘦

春陰

冥冥薄靄與漠漠寒霏積叢篠翳春陰殘梅泣清滴幽悰夙
無豫矧茲感離逝微波江路遙佳期杳難卽孤館澹餘香獨
聽林間笛

游虞山同家碩夫 大椿 蘇顯之 去疾 兩秀才作

入世寡諧心尋幽協激慮方舟沂尚湖言訪海隅路屬值春
夏交曾颺扇和煦蔥蒨滋陵茗敷榮粲邱樹始經巫咸祠繼
造言子墓海色橫空濛湖光藹回互凌緬塗旣紆登頓徑屢

春風堂集卷二
誤悠悠元雲興微微零雨注
覽景得大觀無定是鳴豫逝矣
攜朋曹懷哉遂幽素

破山寺夜宿止公山房

雲松何窈窕勝地愜招尋
人語落花徑鳥嘯修竹林
斜陽生暝色寒澗瀉清音
獨往空山裏幽懷慕向禽
花竹森樵徑雲山秀梵宮
永懷僊尉句吟望思無窮
清磬疏林外禪鐙暮靄中
夜寒涼露滴解帶聽松風

拂水山莊

烏目山頭夕照餘舊時臺榭已成墟
南朝江令荒遺宅西蜀揚雄認故居
紅豆花殘悲往劫絳雲樓燼失藏書
薜蘿舊事何從問月照香嬰對綺疏

過陳見復先生祖范園居

數畝邱園裏蕭然古意存
夕陽明遠岫流水抱衡門
樓隱名偏重譚經道自尊
東皋耆舊在來往共琴樽

爲家碩夫題畫卽效其體

至人寂滅悟幻境山河大地皆虛無
妙明心地一涌見華嚴彈指知非誣
吾觀畫理亦如是豈有刻畫煩規模
閉窗無人氣蕭爽忽對滕牋發深想
蘸墨旋看煙靄生揮毫已覺楓杉響
山前茅屋幽且閒絲篔簹萬个遮柴關
寒陂古柵人不到但有碎玉鳴潺湲
居家烏日山閒住灌莽荒叢不知數
窈窕危峯半入雲圖中彷彿前游處
聞君臥病愁塵勞茶煙藥裹耽蕭寥
曷不東歸破龍澗便攜坐具依松寮
三峯遺指況未沫相期參叩忘昏朝
他時乾慧滅見性一笑此卷如秋毫

訪李客山

曲巷荆扉草一叢檐牙初日照簾櫳廚開賸有春菹綠電滅
曾無宿火紅品到清寒方足貴文歸澹雅自然工當門乞得
蒙山茗讀書譚詩興不窮

滕氏家祠

宋水部員外郎滕茂實字秀穎臨安人靖
康初以工部員外郎使金為所留欽宗及
郊茂實迎謁號泣金人諭以大用迫令易服茂實力
拒之請從舊主北行金人不許憂憤成疾卒雲中其
事董誥援歸言于張浚上其
事贈龍圖閣學士官其家三人

仗義三吳重孤忠萬古靈衣冠瞻舊德俎豆仰前型月窟初
徵夢雲亭蚤問經評謨威敵國議論動朝廷伉直心原壯艱
危運獨丁金符天子命玉節使臣星生死黃旛慟身名碧篆
銘英風昭日月壯烈雷霆異地叢祠盛空山古墓局殊勳
標史冊遺像肅門庭念遠音徽著懷先涕淚零炳麟河岳氣
長與照丹青

韓蘄王廟

空堂神鬼半青紅飄颺雲旗鬪朔風五國君臣終陷沒一家
婦女盡英雄廟中墜馬仇難復湖上騎驢恨未窮聞說鐵山
碑十七幾時別鮮讀元功墓在靈巖山下
有趙雄碑甚高

題徐秀才簷林

蘇坡水亭

憐君頻失路歸種傍湖田濯足清谿去蘆中間扣舷菰蒲鳴
夜雨鷗鷺散江煙秋水南華意誰人得共傳

號國夫人蚤朝圖為張丈擔伯

錫爵題

月落未落光腫朧露花煙柳天空濛阿姆侍監紛左右沙隄
前後紅鎰紅赤絲結尾連錢聽玉鞭斜轉回銀驥內府奚官
好身手控御蹴踏隨春風八姨馬上意態濃羅衣珠壓俱瓏
璵蚤朝直入華清宮宮中深宵事歡宴那復問夜勤銅龍韓

休已老九齡謫無人抗疏開皇衷銀闕欲啟鳴清鐘五家朱
戟爭追從雄狐一時尤獨出賜錢百萬誇豪雄曲江江頭驪
山上琪璣瑟瑟隨行蹤寧知軋犖來關中長安樓殿旋成空
倉皇聞難走馬去馬嵬遺恨將毋同丹青千載淚痕在對此
太息隙倉東

蘇文忠公赤壁圖

大江日夜流洪濛蒲圻魚嶽爭龍從齊安赤鼻更秀絕晴天
削出青芙蓉蘇子召客晚置酒扁舟一葉凌長空涼風修修
白露下極目寒鏡明雲峯爛銀盤涌大海底激碧下照馮夷
宮坐中洞簫聲幽咽餘音驚起深淵龍西望武昌東夏口三
分形勢蟠心胷忽憶孫曹限南北水師百萬驅朦朧旌旗蔽
空號令肅笑指烏鵲真豪雄誰知夜半風信便周郎列炬于

山紅霸圖勝負長已矣千秋圓月懸青銅撫時感事輒太息
舉杯論古清無窮誰圖此景在卷軸羽衣鶴氅何雍容竭來
兩賦照霄漢常與勝踐畱遺蹤騎箕去後五百載何人繼起
追高風應知魂魄定戀此翩然披髮隨星虹捲圖還君一俯
仰夢駕孤鶴橫江東

題沈徵君冠雲形登岱圖

縹緲煙霞一望收振衣長嘯倚高秋雲開碧海三更日地接
黃河九曲流漢碣秦碑傳勝蹟金泥玉檢照神州何時策杖
從君去詆蕩天門賦遠游

題趙秀才升之文哲春感詩後

試鐙風定雨如絲寂寞西窗漏板遲不分茶煙禪榻昨夜深
吟徧斷腸詞

三年舊事不勝情香燼昏百感生料得小樓人獨倚杏花
如雨撲簾旌

至吟嘯堂

輕颿斜挂綠楊絲一笑猶嫌攬袂遲去日薜蘿方被徑歸來
菡萏已盈池秋當七夕穿針節人到三星在戶時聞說冶春
吟興好先攜團扇索新詞

臥病

短枕橫繩牀空齋此臥疾燈落夢回時蕭蕭秋雨滴
紙窗響枯葉幽鳥時一鳴閒門人不到綠蘚被階生

題余布衣蕭客

仲霖

秋燈夜讀圖

曉起聞嚴飈六花響簾押平頭衝雪來打門送畫匣開函展
長圖松篁互蕭杳曲砌沿苔衣疏櫺翳梧葉中有雜誦人蕭

然脫巾帽仰眺明河長俛視零露浥夜深秋氣涼青鐙理故

業蠹簡雜繩牀笙墳啟藤笈汲古思窳突搜奇恥涉獵泯默

千載心欲與前賢接對茲益感喟儒術久晦替私記已孤離

俗學更紉縑儒宗有惠施

謂惠徵君
定字棟

六藝恣該洽議禮定廟

郊學易辨掛揲高論泝義軒羣言陋鄒夾一笑唐宋來爭排

但諭評君能從之游師承未云乏定得禮堂傳差令小儒懼

趙商訊風詩張逸問禘禘紹述期無諉昕夕攷遺法嗟我本

禱昧蚤爲世網脅破屋圓泖濱遺書頗滿篋舊學愧疏蕪羈

游益疲茶幸逢賓館閒相於偕步履深知慕前修素心良已

愜呵凍爲此詞飛騰動臂胛

贈許丈子遜

廷鏞

元亮久知歸栗里天隨近喜住松陵白頭尙任風騷重青眼

相看意氣增卻病文先傳七發鬪強酒立盡三升賞音梅會
人雖逝少為竹垞太史所賞訪舊鮪谿興可乘謂歸愚先生

題閨秀姜桂春耕圖

橫橋矮屋帶荒谿雲外春山面面低好似江邨三月晚一林
煙雨鷓鴣嘯

萋萋芳草接平蕪野寺雲林入有無想得瑣窗閒潑墨煙波
彷彿水邨圖

青鏡白髮不勝情點染橫圖眼倍明可是敬亭山下路纍臣
老去事春耕桂為萊陽如農先生曾孫女

送家鳳喈鳴盛之楚中

寒風蕭瑟送行舟一片孤颿上鄂州夏口煙波連赤壁襄江
形勢接巴邱崇蘭芳杜騷人思折戟沈沙異代愁到日關河

春色好題詩應上仲宣樓

平原邨

芳洲度殘雨柳陰生晝寒孤邨隱桑柘迢遞青山端望古懷
國琛風流被林巒書臺久蕪沒清流激湍浚松明夕照斂篠
動時禽還誰為邁芳躅棲息營柴關

重過小鑑湖

夕霽孤邨路清谿一權過斷雲時作雨遠水偶生波春盡閒
花少林陰落絮多桂樓重盼望縹緲隔煙螺

落花

斷粉零香滿綠堆一番花信欲殘時何人解讀傷心賦有客
重吟長恨詞紫陌春深風裊裊紅樓夜靜雨絲絲江南無限
韶華景禪榻茶煙入夢思

題大真上馬圖

四人執杖遙傳呼二人返顧行踟躕一人宮妝極窈窕結束
自與尋常殊連錢寶馬當道立欲上未上愁難扶宮人嬾媚
各侍側內監絡繹爭奔趨或捧銀罌及粉盞或執寶帕連華
裾得非驪山隨輦去金鐙玉勒同馳驅當年天寶號清晏掖
庭無事相嬉娛紅塵一騎自涪水雲錦萬匹來羌胡長安水
邊南苑裏黃門飛鞚無時無豈知霓裳舞未歇青螺蜀棧徒
歛歔荒宮舞馬淚暗滴夜深風雨鳴楸梧

寄鳳喈武昌

夕批當歲暮雨雪滿關津忽見東風轉江梅又蚤春音書愁
遠道尊酒憶蕭晨何日謀棲隱羊求結比鄰

天際碧雲合瀟湘春鴈飛知君官閣裏終日對清暉漢上詩

篇好襄陽耆舊稀東風芳杜若悵望挂颿歸

蓮花峯遇雨

吳山遠勢環如宮翠屏峭列激湖東華山一支竟獨蜀虎牙
孤立森奇峯圖經舊事猶可攷當年菡萏開薰風彷彿金天
華岳上奇葩十丈飄蕙紅我來狂游悵幽討石路犖确拖枯
筇殘鐘渺渺出林際香梵杳杳來虛空西望漁洋勢天矯南
瞻鄧尉形龍窺具區一碧浩無際汀花浦樹森青蔥須臾白
雲翳旬起化作煙霧春空濛蠟屐衝泥綸巾墊問徑往往煩
邨童是時殘梅已飄盡杏花幾點明芳叢酒帘隱約短笻外
僧寮明滅寒雨中石湖詩版不可見殘碑斑剝蒼苔封欲訪
西空居士宅瀑流挾石鳴琤琮谿山如此少游歷幽棲空復
思臺佟明星玉女不可從名區遙隔秦關雄卽此西岸孤絕

處香茅差足棲疏慵
菖花桂子恣行樂
日日揮塵依長松

千尺雪

山行愛樵唱
況復聽寒泉
映竹穿苔徑
緣崖到藥田
飛流雲際落
急響雨中傳
誰挈軍持去
花龕伴夜禪

石湖懷范文穆公

石湖本勝地
別墅始范公
煙波越谿上
營此五畝宮
天鏡既蕭爽
綺川復沖融
手栽梅千樹
晴雪香春風
身辭簪紱侶
迹喜漁樵從
想當驂鸞歸
願繼鴟夷蹤
平園與白石
來往琴樽同
迄今緬遺構
巖壑埋芳叢
惟聞楞伽寺
夕梵開疏鐘
幽境宛如舊
前詰何由逢
漁篴在杳靄
商颿出空濛
終期狎鷗鷺
卒歲攜煙篷

懷蔣秀才升枚

業鼎

兼寄曹秀才來殷

仁虎

交翠池邊路
垂楊起麴塵
花時常病酒
夢裏度殘春
風雨思嘉會
琴尊憶故人
雲藍芳訊在
珍重托文鱗

吳苑銷魂地
何堪賦別離
柳深鸞眼眩
風定燕差池
細雨眞孃墓
春蕪短簿祠
舊游無限意
好爲寄陳思

武林閨秀方芷齋

芳佩

以在璞堂詩集見示卻寄

雙魚迢遞寄
瑤華繡閣聲
名兩浙誇謝女
詩才工詠絮
衛孃書格妙
簪花雲生北嶺開
疏箔月滿西湖放
短槎回首六橋煙
柳地瓊窗縹緲隔朝霞

寄內四絕

渺渺星河入蚤秋
斷雲疏樹一登樓
相思今夜西窗月
獨對涼風詠四愁

紅蕩花殘憶故廬
天涯風物感離居
谿橋綠水迢迢遠
腸斷

雲藍一紙書

娟娟風露夜初長睡鴨熏鑪罷晚香燕子欲歸秋社近碧梧
殘葉下回廊

離亭風笛晚蕭蕭水館銓殘酒半銷歸夢不知江路永夜深
還渡赤欄橋

雨中滄浪亭同錢秀才曉敬大昕作

秋涼未來暑欲退紙窗殘雨風淒淒陰雲解駁日腳漏我友
好事相招攜詩囊無多每手挈茶具豈俟煩童奚翠玲瓏外
短畧約半盃流水堆琉璃古槐時有老雀啁天棘高曳疏蟬
嘶荒草一道石屈曲殘荷數點花萋迷天憐才人苦遷謫付
與勝地聊羈棲錢孫池館盡蕪沒小築亭子當迴隄碧灣翠
阜人不到幅巾獨往儔鳧鷺卽今遺迹尙如昨石枅精舍連

招提苔花龕蝕佛火暗灑掃往往勤闍黎僉王自喜一網盡
後來弔古餘酸悽鄉邨本適魚鳥願蕭齋近在橫雲西清芬
分栽蘭桂菊佳果雜致柑榼梨匡牀八尺當晝臥遙聽籬落
鳴莎雞鳩來魚城作羈旅年華晚晚眉全低我思吳峯多秀
絕蒼崖碧嶂浮天梯采香涇外硯山下亞牆細路緣柔荑矧
逢清秋漸蕭槭坐見紅葉酣邨畦會須與君放舟去更蠟雙
屐窮攀躋銀鱸雙頭酒百斛江山風月恣評批

雨後尋汲雲庵

石徑雨初歇遠山生夕暉涼風動修竹殘滴滴秋衣觸石泉
聲急經霜木葉稀遵華巖在望丙舍好因依先曾祖墓在庵
東上有大石勒
遵華巖三字係宋淳熙年間題
而丙舍積廢尙未能修葺也

秋晚寄凌祖錫

寒風生北渚暮雨來西洲開門見江水日夜從東流東流去
不息念遠情無極芳序變蕭晨徘徊空記憶憶昔五茸城旅
舍相逢迎悲歌陳慷慨置酒訴生平生平最蕭瑟依依共晨
夕折柳上河橋孤舟仍作客作客已經時江皋鴈信遲清商
紛暮節遠道感佳期佳期渺何處夢向春申渡彷彿見佳人
攜手申良晤良晤不可常芙蓉落曉霜瑤華頻悵望明月滿
空梁

厲徵君太鴻鵞將歸西湖過訪不值以詩送之

披衣相訪未相親又報吳船指去津老挈樵青供隱伴歸尋
和靖作鄉人觀濤江晚潮如雪放鶴亭寒月似銀秋鴈一繩
來往便長箋寄遠莫辭頻

題趙文飲谷虹小吳船時太鴻未行適遇于此

陸處寧無屋蓬窗日晏然人囂知市近巷曲任門偏茗試浮
槎水書緜泊宅編鄰牆斜照遠疑是片颿懸
耆舊知名盛相逢遂宿緣言歸高士宅偶泊孝廉船二老風
流古三冬日景偏到家春信蚤梅放草堂前

曉徵枉過草堂夜話

歲晚嚴風急邨荒積雪高蒙君懷故舊此夕到蓬蒿失喜移
明燭驅寒進薄醪草堂同款語何用首頻搔
貧賤多倉卒生涯足苦辛舟車長道路書劒雜風塵作客誰
知已還家媿老親耦耕虛夙約一飽竟何因
小築臨長谷幽居對短陂家貧凋舊業才拙負明時徑僻苔
生徧階荒鳥下遲生平淒寂意獨有故人知
感激懷良友分攜愴別魂遠游猶未返家鳳臥病與誰論凌

錫
道路蒼江隔音書故篋存寥寥餘數子來往共晨昏
少壯容顏改窮愁意氣增詩書從季次湖海憶陳登時命無
煩卜文章或可稱白雲謀送老采藥我猶能

同曉徵過慈門寺

蕭條景物近殘冬遙指香林竝過從日午煙消花院竹天寒
雪壓石壇松傳心未得通三昧出世何當叩五宗欲向南原
參大義魚山清梵響疏鐘

春融堂集卷二終

春融堂集卷三

青浦 王 昶 德甫

三泖漁莊集

庚午
辛未

添勝菴紀事

蕭蕭翠竹繞溪沙寂寞何人問歲華三尺蒲帆垂柳外又聞
驚起欲棲鴉

六花幾點上簾時畧怯春寒到鬢絲小小雲房清似水只留
杏篆表相思

隔牆清磬報黃昏偶撥圍爐火尙溫更有誰來同索笑小窗
疎影見梅魂

由崑山南麓過華藏寺望龍洲道人墓

崑山屬華亭此名乃竊取路經天開巖瑞光隔數武春餘表

孤花候暖延宿莽藤蘿挂煙巒
菽麥繡村鳴九峯隔吳淞百
里但平楚茲從梅嶠登江湖入
遙曙粼粼白石秀鏤刻謝斤
斧精藍出松篁日午聞法鼓我
訊野鶴軒遐想論文侶誰知
青碧問名賢昔容與見震川記
層雲忽西來林葉竟颺舉却望
有道阡蒼蒨久凝佇

歸雲閣雨坐閣東為傳是樓故址

孤閣掩芳晝急雨來清谿稍看
風蝶亂已識林禽棲客居意
罕適書筴聊參稽悠然緬東海
營此如金閨朝香染翠墨夜
火分青藜重樓署傳是意與
菴竹齊縹緗早零落臺榭俱
萋迷餘花幽逕盡疎柳荒池
低憑欄試流矚暮靄生晴霓
雲歸人亦歿望古懷餘悽

喜沈侍郎歸愚先生德潛予告南歸

三載春卿值禁垣抽簪喜見向
邱樊譚詩共作南皮會雅
集仍開北海樽千古詞章留
虎觀四方冠蓋聚龍門清時
文獻誰能及角里公陵敢竝
論

麟鳳文章仙佛身故園舊雨倍
情親總持風雅稱詩老嘯傲
湖山荷聖人笠澤煙消攜釣
艇銅坑花放整綸巾近來
好事知多少團扇家家繪畫
真

芙蓉湖小泊

鱖揚響絡緯月上新雨餘碧雲
映空翠玉露沾芳裾遙夜已
幽曠矧復臨澄湖我行三過
此此度尤清虛村春隱桑柘
漁唱鄰菰蒲浪紋靜湘簟星
影涵冰珠頗與市塵遠彌覺
秋興舒應有世外侶卜築開
精廬朝夕飲寒綠燈火緝仙
書

臧舟亭拜蘇文忠公像

竹樹暈晴波言近蘭陵郭謫仙小泊處風景尚如昨淒涼嶺
南歸經此偶棲託昔游軫張秦往事空蜀洛近指楚誦亭買
田負宿約西方本非無但化洵云樂迄今賸遺蹤人思薦明
酌懸知挾飛鸞晚趁橫江鶴

海嶽菴

長虹歇涼雨改萎風脩脩已經雲陽郭遂見海嶽樓大江浩
東逝日夜蒼煙浮溪山盡一覽翰墨空千秋淨名及寶晉寧
冥棲丹邱迄今伽藍禪常傍禪燈幽妙高亦無恙玉座臨長
流廳輪應來往晞髮騎龍虬前徽不可卽塵世如輕漚扣舷
還酌酒欲作逍遙游

龍潭曉發

殘月餘半弦輕風動五兩龍潭此發船煙水空滌泱高槐疎

鳥驚細草秋蛩響不知秋露盈但覺秋山爽我生嗜遠游低
頭困塵鞅茲行豁勝情宛有蓬瀛想江湖如雪翻海日緣雲
上漸近玉鑑堂聞鐘已神往

秦淮客舍遇吳企晉

江海三年別相思隔暮雲那知涼雨後水館又逢君遠道憐
羈宦天涯惜離羣故園松菊在歸去課耕耘

秋江歸興圖爲企晉題

迢遞舒州路羈棲復幾年行吟三楚地時泛九江船官舍連
荒驛山城接渚田故鄉千里思相望渺風煙

汎舟後湖至雞鳴山麓

秋暑苦未闌幽尋挾童仆遂上秦淮船涼颺已吹面鳴雞隸
久荒射雉場猶見當年繡襦迴旌旗掣飛電蒼茫餘霸圖寂

冥罷龍戰却緣覆舟山蒼蕪滿蘭甸鳧鷖時縱橫蒲柳共蕭
散清響聞雲英編書集朝彥四部詎可求十廟知誰薦還睇
鍾阜長頽陽下溪澗

同企晉升之游牛頭寺坐一鐙樓

空翠落衣屨夾道森松鱗秋清石骨露雨霽苔痕新山寺已
在望天闕雙嶙峋銀杏亦千仞倒出蒼厓垠瞻禮古導師了
悟清淨因一鐙衍宗派世與南華論臨高豁遠視閱古悲前
塵當年蕭常侍相賞娛幽真齊梁眇遺蹟支許欣同羣微風
下木葉涼意穿霜筠還指獻花巖欲蹋東峯雲

大報恩寺十六韻

畫舫停青雀名藍訪赤烏吳赤烏
年建創脩經六代形勢冠三吳
宮殿同兜率園林等給孤鐸鈴傳替戾欄楯表浮圖星斗當

窗挂風雷絕頂驅燈輪圍遠近梵唄警賢愚峻極雕檐敞高
標繡拱扶曼陀仙女散優鉢樹神敷法鼓千山應齋鐘萬指
趨往常干氣象近漸就荒蕪秋氣凋黃葉霜飈隕碧梧香廚
光照曜碧沼樂涵濡時方脩藏
經殿及放生池
聞明歲南巡將幸此落日滄江外
朝霞碧海隅鬢雲屯覺地蘭若耀通衢鴈塔留新式龍宮換
舊模他時迎玉輅勝地重南都

登招隱寺

籃輦穿竹林一徑入蘭若夾路青楓殷已識微霜灑泉聲深
磴裏石骨層巖下我從曲阿來標致最心寫戴公昔卜居託
輿在郊野逍遙述真經寂寞嗜宵雅衡陽沉下賢詎歎知音
寡山水故依然今誰結鷗社再登玉蕊亭一望滄江瀉

晚登宏濟寺

躡屐登空巖重上宏濟寺精廬晚蕭寥鐘魚隔嵐翠高樓更
巉絕登枕得游憩商燈隱疎煙漁唱雜涼吹風寂濤不鳴月
暗徑彌邃下俯長江長溟濛霧雲氣棲禽偶格磔流螢破蒼
蔚既舒旅人懷乃發靜者意名香從空來妙獲無言契神清
骨亦寒歸舟悅難寐

答褚秀才摛升

寅亮見懷之作

芳露滴蕙草清風來竹林徘徊孤館夕枉致瑤華音以我紫
霞想緬君滄洲心迢迢隔天末

時摛升客洞庭東山

起坐調玉琴

冬日柳上聞企晉已歸硯山用蘇文忠臘日訪惠勤

惠思二僧韻却寄

橫雲山圓柳湖蒼煙杳靄無時無朝看飛鳧晴自浴夜聽哀
鴈寒相呼香稗初熟歡妻孥醅頭春雨良堪娛一林紅葉時

獨往不厭溪路多縈紆忽聞良友歸衡廬為憶猿鶴秋來孤
九華數點豈不好決意投劾還菰蒲人生合作耕耘夫何為
擾擾連昏晡與君共有歲寒約躡屐高蹈真良圖寧羨夏屋
高遽遽堆盤苜蓿味嚼蠟香林舊侶多詩逋抒山篇什憑相
摹

鳳喈從楚中歸相遇吳門仍次前韻

雲夢澤洞庭湖長風駭浪南戒無冥冥細雨斑竹暗楓林猿
狖相號呼千里作客辭妻孥江山險絕供清娛天門中斷勢
嶮峭赤壁卓立形盤紆一朝挂席辭匡廬眺望已徧大小孤
問訊草堂幸無恙迴塘清鏡抽新蒲

鳳喈所居在清鏡塘

况君才力雄

萬夫覃經汲古窮昏晡力攻啖趙述左義遠紹毛鄭傳詩圖
名山事業良有餘叢書稗說嗤劉遽故園東指歸而逋楚游

詩句休追摹

用昌黎會合聯句韻送王侍御良齋先生歸常熟

眩目雪花高瘁肌朔氣重忽興故園思遂見歸計勇

成一羽輕寒壓兩肩竅振風向號帆開浪猶湧

公志便問字我忱壅結添卜商衣履曳原憲踵

洪鐘論典溯荒壟游常昇輿從境歎望洋恐

師流傳盡繆種勃宰鮮囊該踏駁徒雜冗

誰歟搜汲塚衰衰逐頽瀾紛紛博世寵

學作梁栱矻俗論必嚴匹古意未恂

損官俸幽鍵啟奧窈銛斤斲拳踵

城擁昔烏臺遷羣驚白簡捧

蝥正色排媿嬰直筆刺微鱣

鳳佼佼厲丰規稜稜振翮

旋解紫綬還閒薙碧草茸乃知一士謬直令百夫悚

初欣歸吳耽榮嗤得隴吾谷峯嶙嶙尚湖波溶溶

付蓑笠塵鞅脫桎拳竭來主講席多士資發冢

術蛾文喻吐絲蛹問事愧長頭解疑快曲踊

歌正值鳥獸往矣冰堅腹來思花坼

霜林浩呼洶佇立望河干

雪中聯句

作客欣得朋消寒開酒坐忽焉繁

淄愁雲凝稜稜寒意作槎枒古樹撐

舞欄楹四野洗堀堞灑松密復疎

有聲老屋壓欲破頗畏酸風火

差喜酒戶大韭芽糝吳

羹鳳蜜餌歌楚些食單列無多甫新詩聊可和醉吟馬耳埋

微曉狂擬驢背馱我儕苦羈孤來生計每摧挫今秋望倉箱微

連村收秫稔歲宴緩租庸甫時平謝勞瘁矧見宿麥抽曉益

資春種播對景良足歡來稱瑞彌當賀蝻蝻類已殲鳳松栝

寒猶裹白戰勿致師甫閉門任僵臥微

雪後宿西疇閣與升枚夜話

殘雪留清響挑燈入夜聽偶看池上月共坐竹間亭蠟燭霜

初下烏啼酒漸醒蕭晨重話別煙際理松船

沈孝子詩歸愚先生作傳

曾閱一逝成千秋誰與至性超同儔沈君自少敦嫜修生平

奇節驚庸流探丸嘯侶纏兜鍪娃孌婢嬰去矛視與漉地

巾恒憂以身代父何咿嘵荏苒遂去無相仇九龍灘險乘鳧

舟奔濤激箭煙雲浮獰颺震盪聲颺颺失勢一落成鯢鱗獲

身下水衝陽侯相援竟得棲沙洲便出薄夜供晨羞更生有

喜稱神麻東鄰曲突無良謀擺磨出火騰林邱神焦鬼爛靡

存留直入負母精神適還視狸首心蹇妯赤嫖感動來干撮

空堂筦絃仍幽幽中年孤露悲松楸楣柱苴杖形臞豚祥虞

中禮敢苟媮鮮民銜恤幾王哀觀者嗟歎相喧啾百年歲月

如浮漚故老零落誰詳求吾師文筆同韓歐作為記傳傳方

州用事史冊資徵按況今孝治垂鴻猷表宅有典行遐陬

曷不抗疏陳珠旒定見綽楔森鳥頭勿但傳詠供吳謳

由木瀆至光福宿奉慈菴曉登聖恩寺四宜堂望太

湖諸山還泊虎山橋同企晉策時作

小艇度斜橋北行向光福雪消露蘭苔雨霽淨篁竹冉冉見

江梅盈盈照溪綠，淒風忽西來。衣襟染芳馥，香界此沿洄。忍寒意亦足，矧有出世人。孤標等冰玉，相與呼青奴。茶溫酒初熟。

斜照轉林麓，寒雲罨湖陰。落帆過淺嶼，宛對羅浮岑。捨舟入窈窕，策杖歡登臨。深蘿竄飢鼠，密篠翻珍禽。適窺荆扉靜，遂造精廬深。甘泉通竹筧，偶滴如絃琴。疎籬散叢雪，漠漠沾清襟。還餐松花飯，共作擁鼻吟。

寒鴉散林表，落月明牆西。幽人襆被行，夾道香初齊。迎風半開落，映水紛高低。背人宛獨笑，對我如含悽。恍疑翠微路，姑射耽幽棲。澄暉上東嶺，曙色開丹梯。遠聞塔鈴語，松篠藏招提。

仙猿叫絕嶂，野鶴鳴崇崗。身行花雪裏，鼻觀參微香。竭來四

宜閣萬頃開，湖光莫釐旣。髣髴石公亦，微茫羣峯七十二。點點分青蒼，漁舟若鳧鴈。欵乃煙波長，窅然遺身世。濯足歌滄浪。

茲山剏萬峯，三峯後繼起。緇流共接席，珠林照清綺。日午不逢人，香雲覆流水。石牀瓶盃存，憑誰研法喜。更窮碧照軒，幽興何能已。斜暉下竹林，半入蒼煙裏。禪房放梵終，佛屋明燈始。沿月向湖麋，獨喚孤舟舫。

水明殘夜靜，小泊依山橋。扣舷望西崦，圓魄升松梢。波澄鏡皎潔，露下風蕭騷。江梅宛送客，肯使芳華凋。所愁清夢覺，翠羽紛刁調。他時五湖秋，再約乘蘭橈。

舟還木瀆別企晉

梅海行來畫不如，雲將同此上籃輿。溪山處處漁樵伴，村塢

家家水竹居喜有晴光飛乙鳥慚無吟卷繼辰魚時讀鄧尉山志中有

明梁辰魚詩甚佳列仙儒竟推君獨後夜相思隔望舒

春感

東風飄蕩沈郎錢躑躅開殘倍可憐柳絮橫塘三尺水年年
辜負載花船

芳草裙腰一道斜王孫消息渺天涯青苔小院無人到暮雨
瀟瀟落杏花

養花風裏夜更遲蘭燼香消欲睡時料得繡桐吟罷後綠窗
明月寫烏絲

畫篋粉消金鏤盒紗幘香減藕絲裙故園夢去分明見小折
梨花對夕曛

宋人梅花長卷為企晉題

微霜下蘭皋絮芳各已歇淒淒歲欲殘寒花見幽潔夕霽明
清流空林上初月遙憶昔時人孤懷寫冰雪

煙村在何許渺渺依雲岑開門隔流水脩竹鳴寒禽微風湖
上至餘香散疎林對此起遐慕太息嗟塵襟

愛君卜閒居欲作五湖長疎花散幽香寒流發微響以茲清
淨心披圖愜幽賞空山雨雪多相期共來往

無題和企晉策時

繡幌璇題接畫牆昔時曾住永豐坊已憐元相稱中表未許
檀奴預末行傅粉共盤紅綬帶熏香爭珮紫羅囊遠牀竹馬
年方少誰省微波足斷腸

幾載煙波別玉真瓊樓重見寄花人見過去因果經露涼紅粉穿鍼
夜風暖青蘋被禱辰裙袂吳綾分燕尾釵梁楚玉刻魚鱗名

香儻許經行共敢向芝田擬洛神

櫻桃欲謝掩重門肯爲春殘一愴魂珠佩自稱羅萼緣瓊函
常事魏華存牌分碧樹占花信釵劃紅欄記月痕更蘸泥金
書玉檢銀鳧縹緲麝煙溫

鬱金堂北玉欄杆竹密花深欲到難燈下瓊簫聲引鳳煙中
絲扇畫乘鸞梧桐月轉珠簾靜荳蔻香消寶簟寒小疊紅箋
何處寄連絲點點濕冰紈

紅輪碧瓦夢迢迢不分三星在此宵鶴館靈僊懷許掾魚山
神女降弦超低鬟細語瓊籤靜擁髻微吟綵燭銷晴雪迴廊
殘臘近蠻牋十樣頌春椒

橫塘東畔柳如絲約畧春寒病起時錦檻花濃鸞睡暖玉階
風急燕歸遲香添屈戌閒調瑟雨潤罌魚晚鬪碁取次踏青
時節近王孫芳草最相思

雲母屏空閉玉除隴西上計感離居吳綿夜冷相思淚蜀錦
親裁遠道書菡萏香銷霜落後蒹葭風定鴈來初秦嘉從此
成漂泊誰理明璫伴曉梳

朱鳥文牕掩碧紗嬉春嬾上七香車綠池過雨生芳草青瑣
無人落杏花寶帳獨看圍蛺蝶清歌誰共譜琵琶最憐紅板
橋南路官柳絲絲起暮鴉

蕭晨落鎖畫堂開花影扶疎上翠苔鳳脰燈銷寒未減蝦鬚
簾捲夢初回熏餘繡領移簫局調罷香脂拂鏡臺悵望西洲
芳訊遠玉羅牕下折殘梅

璇閨永日惜娉婷愁向衡皋望短亭芳信未傳金翡翠閒情
誰按玉瓏玲杜鵑啼罷棋風薄夜合開時竹露零晴碧樓前

銀漢轉新蟾影裏拜雙星

罨畫樓臺作晚陰
瀟湘六扇翠筠深
妝殘自掩茱萸帳
酒醒低垂瑤瑁簷
夜雨夢回煙浦笛
秋風寒動楚江砧
東堂折桂歸期杳
金薄搔頭夜夜心

鯉魚風起峭寒生
明鏡瑤釵憶敘情
錦字空留香漠漠
羅衿曾漬淚盈盈
綠蕪小院人千里
碧蘚空階夜五更
何日玉權偕寫韻
便攜笙鶴上瑤清

送張鴻勛棟凌祖錫褚播升錢曉徵曹來殷赴金陵

召試

柳外東風度 翠旌恰宜獻賦向 鑾輿 璇宮方上升恒
頌碧海頻傳 賜復書建業鶯聲新雨後滄江颿影夕陽餘
自憐抱病風塵下遙望凌雲重子虛

山塘雜詩同朱上舍適庭昂及企晉升之來殷作

芳草東風二月天
杏花春水一溪煙
桐橋南去絲絲柳
多少濃陰覆畫船

落梅風定雨廉纖
水岸春波一夜添
好是玉羅牕格下
賣花聲裏捲珠簾

綠蕪紅萼望中迷
白舫青簾到欲齊
正是嬉春風日好
黃鶯啼過玉樓西

疎柳微黃映畫旗
輕陰漠漠雨絲絲
橫塘二月春如水
誰唱當年白傅詞

寒更歷歷夜迢迢
水館春深奏玉簫
銀燭未殘明月上
一溪花影度紅橋

纔過花朝是禁煙
銀泥畫舸盡堪憐
客游又度傷心節
日日

船牕跛脚眠

題翁徵君霽堂照飲酒圖

我聞東臯子結屋耕河濱君平坐召不可致醉鄉作記全其
真又聞白左司退官居渭上高臥吟詩獨閉門雨中盡日傾
村釀兩賢高尙世所無不惜痛飲稱狂奴暨陽先生昔嗜此
更倩好手成新圖鳴夷縱橫列左右訶陵錯雜羅前後曹事
惟知中聖人醉吟每結空門友廿載江湖載酒行人間問字
爭逢迎龍頭犢鼻聊寓意豈有芒角胸中生九月西風木葉
下故山黃菊行堪把比鄰近局共招呼杯中宜有珍珠瀉我
亦生平倒接離興酣聊復一中之白衣何日來經過細和淵
明飲酒詩

聞過湘雲春山訃有感

巾拂翛然謝世喧巫陽猶復望修門曉猿夜鶴空招隱秋菊
春蘭藉禮魂蹋雪僧來開貝葉碎琴客至薦芳蓀五湖花落
真歸去吟斷清詩浥淚痕君有詩云我本滄洲一散仙蘋花
十二峯
生曉煙

普照教寺

寶地雨初晴絲蠻報春曙夙知普照名蠟屐此吟步寺傳慧
旻開榜記乾元署繡朶軒旣蕭閒涵暉室足閒豫脩脩海月
堂長共眉山住鐘魚時有聲香火久如故景蘇閣暨懷晉亦
名前修已雲鶩惟欣西方觀託蹟在閒素綠陰罨晴廊青苔
潤蘭路還撫北礪碑低徊未能去

西林禪寺

鮮飈卷層陰落景在林杪逸興晚未闌放艇春江渺遙瞻窳

堵波髣髴露雲表穿逕信透池登枕復窈窕創興歷宋元勝
槩俯峯泖上方諸品寂香外鐘魚裊邇研梵筴書始悟桑門
好有為本非法無相乃能了誦帚契忘言便衣事幽討還叩
西疇禪于焉洗煩惱寺為僧法瑠所修瑠受法于徑山比丘西疇

酬大木先生

京雒歸來三十年酒瓢詩卷作因緣宛邱詩法誰人會接蹟
家風在後賢

最憶風漪堂外路疎梅瘦竹罨清池知君禪榻茶煙裏日課
香山半格詩

頻年身世媿蹉跎短句長篇感慨多誰向旗亭來畫壁雙鬢
小部唱黃河

漂泊江湖會面難常從驛使報平安何由買得閒田地老屋

青燈耐歲寒

送曉徵舍人之淮南總河幕府

相送淮南去迢迢千里程北風吹五兩幾日過蕪城夜火明
山縣寒笳響戍營到時秋汛急辛苦念民生
東閣開樽日南樓點屐餘新詩供嘯咏妙理析元虛三十三
山客憑君問起居懸知對牀處詳晰考河渠

送歸愚先生游黃山

一帆遠朔富春潮直上天都道路遙萬古煙霞開絕頂千層
殿閣倚層霄丹崖翠壁終飄渺白鳳青鸞久寂寥想得高峯
長嘯處蓮華石筍鬱岩堯
聞說仙人有舊壇丹經寶鼎秘層巒蒼松拔地枝千尺碧嶂
凌空路百盤鳥道遙連雲氣合龍潭倒掛瀑泉寒自憐枉負

名山約未得相從倚杖看

八尺晚泊

亂鴉啼密竹溪口泊吳船潮落見收網風高聞扣舷湖雲寒
作兩山樹晚生煙帶索誰家子行吟意渺然

重過尙湖寄蘇顯之及家碩夫

碧水渺無際秋帆喜獨乘絲垂三汊柳花落半湖菱雲樹情
方永煙波樂更增相期招地主來此下寒罨

清涼寺

遙望三峯晚松篁罨碧雲幽禽臨磻語香梵隔溪聞逕曲流
泉咽壇空夕照曛孤筇歸路遠涼葉墜紛紛

竹堂秋夕寄張策時

晚涼松露滴山月墮西林捉席坐苔逕臨風張玉琴蕭條高
館裏寂寞脩梧陰無復共幽賞煙波勞素心

送張鴻勛之武林書局

高陽舊侶悵飄零錄別河橋柳尙青秋水一帆離北郭涼風
幾日到西泠澄湖山色愁中度遠寺鐘聲夢裏聽曾是翠
華臨幸地好將盛事譜圖經

題鴻勛所畫漁村晚霽圖

碧玉煙中遠嶂青瑤雨後寒流結个香溪田舍遠籬楓葉鳴
秋

落葉逕無人蹟酣霜林有鷓鴣屋後千叢竹秀門前三版橋
低

沙觜斜陽渺渺山腰秋樹娟娟攜得瓜皮艇子菰蒲深處鳴
舷

數摺汀花浦樹幾棱蓮浪蘆漪好挈背蓬圓笠村南來約足師

旅夜寄凌祖錫

橫雲東望渺愁余蕉萃風塵未定居水館孤燈秋夢後江城
新雨夜涼餘白蘋花發思鄉信紅豆歌殘憶故廬何日吳淞
江畔路扁舟一棹共樵漁

同企晉斗初過上沙入水木明瑟園還望礪上草堂

振衣渾上行水木遠明瑟相攜入名園初晴值秋律層軒抱
池開修逕依林出紅蕖冒曉煙珍禽語初日泝東信透池硯
北最蒙密孤亭仍翼然往者隱遺逸依稀介白蹤煙霞遂痼
疾後賢復此居名流萃膠漆曾移太史星未賦畸人室勝地
稍荒蕪新涼漸慘慄還思礪上堂高風渺難述冰霜表清貞

書畫寫真率百世良可師三吳誰與匹

禮堂寫經圖為馮晉題

兩漢以來經行後鄭著作尤超羣旁通七緯驗飛伏遠充
元 萬扶風 鹿難同倫 言大義
下月懸乾坤惜哉徐州 地去不得寫定傳諸
方暮恐失墜作書訓誠含悲 何為景侯逞私意妄
擊爭賢 喧中間復遇孝昌亂師 家學嗟沉淪誰能更
載上遠思一髮留千鈞吾兄崢嶸起東海覃精畢力窮
六人常登金臺叩閭闔手拓石鼓搜遺文復從武昌遡樊口
坐看江勢來岷岷一朝扁舟忽東返遺經獨抱歸荒村詞章
悅不足道要在經義窺淵源手編五神作類考州居部次
緜約繁空堂幽幽人蹟絕耽思旁訊忘朝殮深衣皮弁氣象

大帶赤舄儀容尊庭前幼子來問業接武布武何溫醇羨
此壘信千古如君撰述真紛綸也年立 朝典制作定使

治追羲軒卽今空山自負犢亦足使俗開愚昏經師况有

光車 謂冠雲定力追北學借窮論不朽大業著藝苑會看

德水題門

夜集家岡齡 庭槐 小停雲館分得露字

玉馬 詞人感歲暮相於訪素心依依接情縈存言即

去遣 一 停雲館分得露字 西風孤松滴寒露回蟻青芝山蒼

蒼 魚 宿 夜 深 緘 月 明 流 光 照 疎

樹 蘆 間 汝 火 星 霜 從 此 辭 悵 然 念 良 晤

春融堂集卷三終

春融堂集卷四

華山詩公此發神韻 青浦 王 昶 德甫

鄭學齋集 壬申 癸酉

璜川書屋喜晤趙升之時余與企晉將往金陵

三年輾轉不相見江湖淪落俱貧賤子方抱病守衡門余亦

辭家居異縣今春鼓櫂闔閭城吳郎倒屣相逢迎開筵爲置

玉壺酒設饌更進金盤羹挑燈共對忽不樂遙思故舊嗟離

索遠道方愁積雪高前溪已報孤舟泊攜手相看一解顏却

陳舊事雜悲歡九秋伏枕已憔悴八口求食徒艱難憶昔相

逢在白下書牀花嶼娛清暇嵇阮風流世所稀應劉文采誰

堪亞一別蒼茫歲月馳短衣雄劍返茆茨高歌恥學干時術

落魄常餘感舊思人生會合知難據斷梗飄蓬隨所遇後約

空期茂苑游離羣重向金陵去明發沿流放畫橈滄江風急
雨瀟瀟祇將元武湖邊信遠寄春申浦上潮

京口聞潮

蓬牕半夜聞疎雨蓬尾寒深人白語始知風捲暮潮來颯颯
清流滿孤嶼勢衝沙背斷還連聲激殘蘆散仍聚我憶焦山
枯木堂燭冷香銷曾聽取隔溪漁火半微茫對月梵音雜淒
楚而今江海尚飄淪病身難借觀濤愈不如木石等吳兒弄
潮日向春申浦

龍潭遇雨不得游寶華山悵然有作

冥冥江雨繁活活春泥潤竹靄雜松雲不辨峰嵐峻遙緬寶
華山誌公此發軔銅殿祕華鬢戒壇契香印羣遵梵網嚴妙
獎毘尼進茲日阻招尋多生愧起信入暮溪館寒孤燈半成

暈獨夢碧琉璃還思寄芳訊

同企晉來殷眺後湖

西上鷄鳴山北望元武湖湖濱雪消春水漲十里漠漠湘紋
鋪青溪秦淮互暎帶覆舟鍾阜相縈紆白波碧嶂非一狀江
山奇麗南中無憶昔創始自寶鼎開渠引水勞千夫大興元
嘉遞增飾華林宮闕雄南都朝吟新詩召詞客夜設綺席陳
宮奴繡襦玉漏一瞬耳六朝佳蹟堪嗟吁射雉場空長宿莽
聞雞埭遠餘寒蕪惟有茲湖尚千載浴鳧飛鷺相嬉娛嚴城
燈火出畫堞古寺鐘梵來浮圖徘徊弔古不忍別回看落日
煙模

自牛首山至獻花巖同企晉作

春雪已盡消春風亦漸轉浮青雲外出嫩綠草中顯我友選

勝懷呼朋往游衍出郭三十里修途近層巘石亂泉暗響松
深徑難辨此閒名天闕壯觀恣睥眦祖堂與幽棲歷代勝堪
選古蹟不盡存遺墟尚可緬相與循兩崖苔滑誰能踐拾級
喜先登敢辭雙足趼

隔林聞寒鐘引入招提勝碧雲見青松嵐翠更相映屢屢望
孤巖透池盤曲徑聞香入寺門龍象諸天正融公啟道場瓶
盃南來盛古公復繼之一一華嚴境豈惟願力深實藉禪心
定欲尋十笏齋于此愜幽性

秦淮

攔街猶放上元燈比似秋來景倍增絃管風和聲細細綺羅
人遠影層層半輪蟾月依簾下幾樹梅花隔檻憑況是石城
多俊侶不辭浮白共飛騰

吳閶雜感

東風早過試鐙天又是清明欲禁烟愁絕通波橋下路杏花
微雨溼秋干

翠葉成陰倍可憐
東風到杜鵑
人去草芊芊
桃花落盡春無主
約略芳渚迢迢送綠波
紅欄橋外畫船多
花時玉笛三更月
齊唱江南水調歌

板橋楊柳一枝枝嫩綠柔黃日影遲誰向棗花簾子下玉簫
重譜斷腸詞

玉蘭花發度芳辰十里長堤起麴塵寂寞金閶亭子畔綠陰
門巷送殘春

水國春寒唱竹枝誰人更奏玉參差江湖載酒心情嬾禪榻

水國春寒唱竹枝誰人更奏玉參差江湖載酒心情嬾禪榻

茶烟感鬢絲

小院蘼蕪綠幾叢落花飛絮滿牆東
衣香人影年年事都付愁中與病中

絳蠅初殘寶篆温春來無處不銷魂
故園忽憶吳淞路細雨菰蒲水到門

沙布衣斗初

維杓

黃孝廉芳亭

文蓮

吳企晉趙升之

及朱上舍吉人

方藹

枉顧寓齋同曹來殷過滄浪亭

至韋公祠而別并訂西山之游

綠草盈堦生春光靄已暮同人相過從
依依話情悽溪樹藏鳴禽蘭皋落飛絮
一咏滄浪吟幽尋共微步平橋尺幾曲
綠水生微波東風一以至落花行復多
溪亭紛窈窕竹樹森陂陀幽梅久寂寞
懷古情如何

行行遵枉渚言尋韋公祠青蕪被苔逕
綠樹陰堦墀緬懷流

亡句千載同歎欲昔賢不可作此意誰能知

夕霽明春流池塘忽已晚林端古堦斜
煙外蒼山遠悵然從此辭悠悠卽長阪
幸有山中游佳期庶能踐

家秀才存素

懔

爲畫三泖漁莊圖因題六絕

生平不擬託樵漁故紙堆中作蠹魚
賸有恒春橋下屋更煩老筆畫幽居

米堆稻廩隔溪明薑菜花繁豆莢榮
落盡緜桃春過半煙中

布穀勸躬耕

春

漠漠山雲午漸收新苗雨過綠如油
捲書還向橋南去垂柳

陰中課飯牛

夏

小小茅茨儘日閒偶然生計雜漁蠻
高梧搖落秋槐盡望見

東南數點山

吾鄉九峯玉屏蘭笋四山秋後皆可望見

柴門不啟槿籬斜小雪西風餞歲華喜見東臯滋瑞麥更開

膠酒伴梅花

冬

溪山平遠是南湖畫出幽風小樣圖說與江湖諸舊侶頭銜從此作潛夫

同作

長洲

沈德潛 歸愚

魚扈連延接鴈汀伊人新勒草堂銘三重湖泛天邊白九點螺橫鳥外青菰米飯炊香淡淡水仙操動韻泠泠往來時有樵夫迹問答微言惚性靈

題王孟端畫竹

百來畫竹豈勝數要在雅尚先孤超取神工意不工似斯覺格外留芳標蕭郎竹譜誰得見輞川石刻今蕭條洋州松雪

並蕪沒妙蹟何處存生綃友石山房最幽潔頗愛月夜聞清簫何時寫此數尺畫淋漓淡墨橫霜毫不疎不密且掩冉若遠若近通迢迢慧車山水吾肺腑乃得此意煙雲高想當六月挂素壁不畏溽暑蒸炎歎生平癖好異喧俗拄杖叩門何辭勞一見眼明欲輕舉但乏好句如瓊瑤空庭無人黃葉墜書罷日落風刁騷

遠翠樓月夜有寄

東望吳淞路渺漫月華如水露華寒離鴻聲斷銀燈暗睡鴨香銷玉漏殘遠道頻傳黃絹字佳期遙隔碧雲端金波三五依然在莫怪方諸淚未乾

題翁丈齋堂三十三山草堂圖兼送其北行

君山黃山高峯律蒼崖碧嶂青巉巖松風亭榭各杳靄石潭

澗壑爭空嵌茶岐覆酒及彭墓昔山名岡阜出沒森岑崑下瞰
 長江落東海洪濤急溜何冲颯山盤水鬱儲靈氣宜有碩士
 超羣凡譬之森森豫章木就中獨秀惟松杉先生天才本卓
 犖元文自少參機緘生平嗜學五十載矮牕短檠恒詰誦篋
 中著述自祕惜一一金薤垂瓊瑛力追風雅宗漢魏下逮唐
 宋供雕劂詩才已足雄一代經義更欲窮千函緬思孫文馬
 昭不可作鄭學往往遭譏議詩箋禮注絕業在諸儒同異勞
 爬芟昨者翹材大闢館鶴書鄭重來空巖掉頭一笑不肯悞
 荷衣豈願更朝衫三十三山幸無恙漫郎漁父稱頭銜朝聽
 飛泉聲颯颯暮看新月光撒撒蘋溪把釣泛小艇竹院種藥
 攜長鏡題襟載酒有素侶相與酬倡揮秋鏡朝川朋好和裴
 迪左司弟子來王咸襄陽耆舊月泉社主盟風雅誰能監卽

今鶴髮垂過耳猶自健步追鷹鷂籃輿笈屐足行樂底事節
 杖相扶攬日國家雍熙尚儒術大臣薦牘本至誠石渠天祿
 久寂寞須待都講窮洪纖莫向白雲愛高臥亟趁六幅煙江
 帆

雨後同斗初企晉來殷過支硎山寺

杳杳白雲合空山欲暮天青松滴疎雨碧澗響寒泉風度竹
 房磬燈明茆舍煙愛看林際月流影照溪田

雨夜宿靜菴上人法音菴

苔逕滴寒雨草堂明夕燈疎鐘沈遠寺落葉下荒塍習隱借
 宗炳棲禪共惠能秋山應更好明發試同登

寒山別館

自別寒山路重游六載餘風泉秋更響霜竹晚來疎翰墨留

遺宅雲林憶隱居盤陀一片石吟眺渺愁予

法螺

修竹杳無逕秋禽自在嘯松雲開遠嶂石瀨響迴谿叢篠緣
階上疎花入戶低不逢向居士誰與共禪栖

秋夕宿楞伽寺

涼雨夜蕭槭清溪流暗泉稍聞宿禽響時墮西齋前短鬢已
如此素心誰更傳無生思妙契願證永嘉禪

陸魯望祠

渺渺寒波動碧虛天隨祠廟對荒墟聯吟尙憶松陵集勝事
空存笠澤書泉石高風留史冊江湖遺蹟感樵漁獨憐杞鞠
無人薦斜日空庭落葉踈

橫塘

菰蒲秋水晚生涼杳渺青山送夕陽十里蕩花香不斷畫船
燈火到橫塘

新月

遠水殘虹送夕陽又看清影度梅梁珠簾乍捲銀鉤冷玉鏡
新開翠黛長早鴈星河光黯澹棲鴉池館夜昏黃故園忽憶
蕉花逕下拜曾同一炷香

綠苔生閣晚蕭條一抹微茫近綺寮清景難同仙漏永澄暉
欲向暮煙銷玉繩夜轉吟徐鉉銀漢秋橫感鄭遙最是離人
魂斷處西風疎柳似殘宵

西窻人靜掩珠櫳依約初弦薄暝中一縷晚沈秋水碧三分
斜映暮霞紅金盤露冷低蘭渚玉笛風寒暗桂叢料得曉妝
初罷處恰將眉譜鬪玲瓏

娟娟翠色下檐楹漸到西南倍有情花外銀屏光尚淺階前
瓊樹影初橫玉鉤仍照人千里桂魄難禁夜五更惆悵烏啼
殘夢後獨留珠斗在瑤清

九日企晉相招小集因病不赴以詩見示賦此奉酬
風雨重陽節候臨書來相約比兼金畏涼只喜蒙頭睡強起
猶爲擁鼻吟吹帽遙知詩筆健漉巾誰愛酒杯深病中歲月
匆匆過應俟春來再盍簪

邨居雜詠

卜築離塵市柘遲掩石關芥茶花下試砌草雨中刪烏散茆
檐寂香銷竹院閒小樓簾半捲恰對夕陽山
硯譜隨時讀漁經信手鈔幽棲思五柳真逸憶三茅乘月開
琴匣衝波載酒看自憐才性拙彷彿似青匏

竹榻臨疎牖藤窻對小池漆書明古本石墨校殘碑飛絮時
時落疎花故故垂此中愛蕭寂祗穢豈能知

藤刺輕衫冒苔痕短杖粘緣籬收豆莢臨砌辨花籤爐焙雲
腴潤庭移玉版尖徘徊當薄暝一桁照新蟾

校訂漁舟服苕簷野屋窻遠山春緯繡涼雨暮琤琮短笠勞
僧送疎鐘愛寺撞靜中殊自得非擬鹿門龐

圓柳煙中寺吳淞水上亭柳絲風嫋嫋蒲葉雨冥冥游屐隨
來去行歌雜醉醒生平江海意幽興託松舫

飯慶陽院訪水月軒故址

曉聞雲外鐘徐出山閒寺蠟屐載招尋禪宮洵幽異霜餘楓
葉稠雨過禽聲細偶領旃檀香兼飫伊蒲味遂訪水月軒前
賢渺延企懸知秋夜長遺經究深秘未成春曹詩自撰讀書

記標格接清翁師承軫遜志晚從白鶴仙素業久凋墜丹泉
俛澄泓竹屋起涼吹還度錦溪橋斜陽疊蒼翠

秋暮入簞山圓智寺望圓泖

我從六峯來穢穢向溪口碧雲如有情招邀出林藪遂尋開
士居遙聽霜鯨吼天馬勢猶騰神魚化已久小山儼屏障濃
綠撲窗牖何人斲石骨一試干將手西風忽淒寒計日過重
九聊分出寶泉稍代盈樽酒俯眺圓泖湖漁村隔疎柳更聞
欸乃聲煙中屢回首

泊細林山下夜雨

落帆長谷東煙波漾微暝初月下蘆綺層霏隱漁徑時來蕭
蕭雨隨風動清聽遠參寺鐘疎偶雜村春應遂增秋意寒彌
使禪心定獨客黯青燈同誰賞幽興緣知雲外山詰朝倍脩

靚

紫堤夏考功允彝沈淵之所

望重三吳社身填百尺潮清廉循吏傳哀慟義公謠玉樹還
同隕謂節霜松亦後彫陳黃門之沒後考功月餘空傳堂斧築難覓楚辭
招盛侍御符升曾葬考功有詩云在小崑山見釋堂詩鈔其墓今求之不獲

題岡齡南園新居次歸愚先生韻

小築新開水石居松篁蕭瑟輞川如麝煤靜校雙鉤帖魚卵
分題四部書元亮閑田供種秫杜陵小徑足栽蔬枯荷折葦
楓溪路吳詠吟殘獨掩廬
蓬蒿甘作野人居蕙圃梅坪畫不如叢篠風生聞鳥語疎槐
葉落見蟲書山厨曉煮青精飯藥徑晴分赤甲蔬水北花南
誰與共羊求來往伴衡廬

惘悵停雲少舊居羨君接蹟有誰如君齋額小停雲藤窗小幃梅花

卷竹榻新簽貝葉書雨後評茶移石銚尊前翦韭足香蔬不

須漁火江楓畔煙水迢迢憶故廬君舊宅楓橋

橫雲山下卜幽居料理殘經日晏如六學先推虞氏易千秋
已定伏生書伯愉自分終邱壑季偉知能具草蔬可許叩門
頻看竹茶煙禪榻共精廬

題姜孝廉靜宰恭壽秋夜讀書圖五十韻

金行黠斂風訇哮鴉鵂夜語啼鶻鶻繁霜蔽野枯芴苒誰結
老屋營香茆君才兀鼻雄虎虓經笥義府供爬抓發為奇作
盤螭蛟洪河決漉峯巖嶽落紙十手爭傳鈔廿年作客揮長
鞘馳驅南北凌礮礮斑斑櫺具光文鮫軟紅不惜緇征袍沈
錢散玉多蘭交詩歌倡和如笙策陳設壇解誰謹呶汗漫忽

憶山靈嘲故園無恙歸巖坳回溪綠淨疑湖灩歸來結隱棲
書巢駒隙忍使從閒拋墜葉蕭槭飄危梢階語蝓蟻纏蟪蛄
老鷄孤宿拳矛散玉盤出海懸高櫟銅蟾燈燄花含苞中夜
雒誦聲警嗚漏籤每至鷄啾嚶倩人擣麝和魚胞作畫為解
丹青包我亦避俗辭紛殺蟬函蝨簡供珍庖禮宗鄭氏辨禘
郊易師虞氏探著爻會稽北海咸崢嶸惜哉陋儒徒魚然詩
學近更多輕詔西江格律人爭藻槎枒寒瘦矜私伎漢魏初
盛垂雲旃何李繼起同雙嶠底事彈射飛金髀汝曹磨滅猶
流泡隻手誰為懲昏奴望古灑淚常心勦知君信我言非曉
苔岑夙契漆投膠願扶古學除鼃咬與酣據寫煩推敲偶倣
時格毋訾警

秋夜寄曉徵于京師效元白體

露蒼聲咽鴈聲遲
薤簞初涼欲睡時
吟遍閬州元相句
憶君無計寫君詩

當時競說王錢體
醉墨題詩蜀紙紅
不料有人摹本去
家家粘遍畫屏風

曹郎勸酒紅螺盃
馬叟徵歌白鶴鹽
絕憶嬉春來往路
幾枝疎竹亞重簷

萬年枝上娟娟月
此夕知君侍建章
吟得翻堦紅葉句
好傳芳訊到江鄉

同朱子存 研適庭凌霄 漢倬肅徵 荏恭孟容 士廉游
天平山

雨過泉聲急迢迢
出翠微白雲松際
寺紅葉竹間扉
日暮疎鐘斷山寒
過客稀只應修靜
社來此坐忘機

寄周秀才欽萊 準

問訊迂村叟憑誰
共歲寒遠游登白
嶽投老向黃冠壯
志虛千里悲歌感
萬端青鏡茆屋裏
風雪獨盤桓

歲晚匆匆別分襟
一黯然人歸三泖
渡客上五湖船雨
雪懷良晤溪山憶
勝緣餘不春漸好
相望渺風烟

茗水溪邊路聞君
有故廬樓臺明鏡
裏雲樹夕陽餘篋
滿新題句家藏舊
賜書相商攜釣具
來共卜幽居

題盛上舍青樓 錦細雨騎驢入劍門圖

若遠若近山有無
忽起忽滅雲模餽
峯如玉簪互重疊
水似羅帶相縈紆
蠶叢鳥道古天險
蒼茫直控西南隅
鞭絲在手笠在頂
鳩來劍閣驅征驢
羨君意氣本豪縱
揮斤八極隘九

區江山奇麗入眺覽不畏閣道多崎嶇踏泥盤盤躋絕壁眼
界開豁窮遐陬俯眎河潼在几席遠瞰沔漢同杯盂煙中彷彿
辨荆郢鳥外縹緲連夔巫爾時雨師作狡獪奇景變現來須
與枯林冥冥叫援狝苦竹颯颯啼颼颼長嘯忽憶渭南伯當
年此地想馳驅流傳詩卷七字在千秋清興誰能如便倩好
手拂縑素雲烟咫尺生空虛我思放翁在西蜀女真日日尋
戈爰大散關前烽火急秋風鐵馬凌晨趨賦詩草檄感大義
中原未定空嗟吁方今太平一寰宇梁益以外歸方輿自鹽
赤甲冠天下但有絕景供嬉娛古今俯仰事勢異性耽山水
無差殊今君席帽回東吳遁跡近託先人廬山塘晚霽水漠
漠銅坑雨過花疏疏韋公白傅來往地曷不放櫂游五湖更
罍一片好東絹重寫蓑笠元真圖

家二癡亦作漁莊圖題兩絕句

斷靄殘雲隔遠汀柳陰深處見魚舫莫嫌水墨翻新樣還是

山人舊典型二癡爲鳥日山人季子

新裁校訂伴元真修竹鄉間作隱淪他日期君來過訪綠蘋
紅蓼共垂綸

送霽堂之淮上

作客同誰侶蒙君獨過存長貧憐趙壹知己感虞翻聽雨開
書卷尋山命酒樽相逢仍話別黯淡欲銷魂
三十三山裏茆齋傍翠微夕陽栽藥圃春水釣魚磯石逕花
爭發雲林鳥自飛何時歸隱去載酒過柴扉
藥裏憐多病征衣念暮寒匆匆臨遠道款款話加餐蕙草春
前發梅花雨後殘文游臺畔路吟眺足清歡

企晉招集遂初園

夢覺聞鳴禽松檐雨新霽良友相招尋春風送蘭柅遙望靈巖雲湖山澹蒼翠

杳杳循修塗依依踐叢薄遠水明橫橋疎林翳高閣相於素心人琴樽此棲託

歸鳥趨寒林夕陽下高樹掩茲邱中緣幽尋共微步日暮聞疎鐘迢迢出烟霧

空廊寂無人入夜轉幽獨寒飈激長松清露滴疎竹幾曲花溪深澄波漾微綠

白雲靜遙天明月出高嶺蕭蕭梅花林寒香散幽迥忽憶盤螭山前溪放煙艇

題子存吉人企晉所畫冊

石磴繞寒雲茆齋依宿莽古逕杳無人寂歷秋泉響

香茆竹外亭秋草松閒路想見尋幽人閒曳孤筇去

落葉被重崖飛泉赴空谷烟際夕陽明疎林見茆屋

曲澗爭流寒瀑平林怒捲長風安得龍鱗石上焚香靜理枯

桐

石逕荒寒碧蘚斑蕭蕭叢竹翳柴關有人草閣疎窓裏閑對

溪南一棱山

自橫塘泛舟至木瀆登靈巖還宿企晉青瑤池館晨

與企晉適庭斗初來殷暨張布衣崑南崗過上沙水

木明瑟園抵天平入龍門歷法華洞諸勝

弭櫂遵山行倚杖褰宿莽蒼翠散寒空步步愜心賞漸進塗

轉紆升高勢益敞枯木含華滋喬松激清響頰首矚具區煙

水互滂泱幽境非淺涉靈蹤發深想會物感自今弔古悼已
往招提雲中開孤遊緬疇曩眷言來卜居繕性脫塵鞅
空山生暝色喬柯暖微暎揚舩迴北渚望見煙中村靡迤雲
木暗掩藹桑麻繁吾友解簪紱居此辭塵喧睽孤意久索嘉
會情彌敦矧有良知輩古義來同論明星照榆柳華月升前
軒置酒布瑤席振衣登邱園夜寂發澹慮景曠安營魂思劭
羊求蹤抱樸棲衡門

晨起天宇曠朝曦麗東隅同人陶嘉月縱棹尋椒塗桑莢被
新術叢條藏精廬先民觴咏地朱竹垞先生有水木森縈紆
沿溪抗高館對嶺疏幽居初入尙荒藹稍行遂清虛薄雲送
飛翼棲川緬儵魚師彼濠上意卽事良多娛
吳山恒透池天平殊竦峭陽崖豁屣屣陰洞森窳窳嶮呀駭

鬼工歛仄見天巧羣峯麗近翫廣澤延遠眺覽奇意無歉歷
險境逾妙遂協謝客懷擬發阮生嘯叢篁起層颺喬林澹頽
照緣塗謝振策映泣理歸櫂逝將期重游永獲仁者樂

題鄭上舍迂谷

廷賜

乘槎圖

祝融應節揚蒸歆火雲赤日連昏朝蕭齋無事跼壁卧每思
決起衝風颺忽聞打門送急遞開緘彷彿生波濤龍門西去
望不極長空一氣連魁杓大章豎亥昔未步莫向星宿探支
條枯槎斑斑積古色但記七日乘靈潮何人振衣獨危坐竟
想絕域恣遊遨馮夷擊鼓倏隱現鯨魚跋浪紛周遭牽牛河
鼓若可卽俯仰恍忽渡層霄我聞大行昔奉使西域大夏驅
星輶出驍出冉極寥沈邛枝蒟醬來迢遙蠻君番長受約束
坐令東面歸王朝黃姑機邊一片石幾曾銀漢尋星橋流傳

錯誤不足數要在功業垂岩堯今君慨慷負偉略常笑搶地
同鷓鴣桑弧蓬矢有素志時倩好手圖生綃他年乘時持玉
節馳驅萬里誇人豪題詩落筆一長喟涼風颯颯來林梢

過惠山不及游晚至芙蓉湖泊

風利不得泊言經西神山山當具區背雲水縈煙鬟此區洵
清遠世亦出世間朗人每輩出友石懷孟端竹爐圖畫古自
寫松濤寒迄今翫遺製赤埴雕琅玕昔賢尙幽閒吾道宜淒
酸嘉游惜未遂蛾綠何由餐頗聞泉第二小杓分龍團茶熟
風亦定月上芙蓉灣

秦淮感舊示嚴秀才東有長明

頻年閑訪秣陵秋南部繁華感舊游銀葉香銷天似水棗花
簾捲月如鉤板橋往事思沙嫩畫閣新聲記石州惆悵六朝

殘夢在藥鑪經卷伴牢愁

潮落秦淮起暮颺斷蛩新鴈薄寒時玉箏誰勸花前酒金縷
空留壁上詞渺渺煙波桃葉渡依依風露小姑祠江關憔悴
無人省只有傷心小庾知

秦淮別凌祖錫張策時趙升之

長颺送烟帆忽屈金陵道正值素心人蘭言展幽抱水閣擁
匡牀梧陰趁夕涼風華江左舊珠樹粲成行聽罷三臺曲芳
樽湛寒淥劇飲醉何辭歡言意未足冉冉月初圓清燈照別
筵來朝聞欵乃各上渡江船三君鸞鶴姿夙著春申浦世譽
儼羊何詞章動吳楚黯黯惜同羣天涯袂又分幾時還聽雨
浹月憶論文求名非所知學道期相共歸路向邱樊笙壑足
吟諷寥落白門秋溪山感勝游相思如命駕好放剡溪舟

天發神讖碑

在江寧縣學

煌煌禮樂地赫赫金絲堂東偏聳高閣數仞連宮牆其中貯
 寶刻倒薤生精光云是吳天墜勒石垂高岡歲久裂為三剝
 蝕難成行齧缺卧草莽牴觸來牛羊越時千百載乃得歸曹
 倉珍奇神鬼護輾轉依膠庠晶瑩蒼且潤體質堅而剛剜苔
 抉塵土筆勢分低昂或如二曜麗或如五緯彰虹霓鬪絢采
 雷電爭礮礮鯨鼉躍巨渤騏驎騰康莊軒軒鸞鳳翥宛宛蛟
 螭翔倚天長劍拄射日雕弓強五重錯錦繡兩邸侔珪璋遺
 灑變籀篆俗體陋鍾王自從保氏後六書久微茫盤杆暨蚪
 蚪爰歷兼凡將失傳至秦漢惟此稍頡頏自當與球圖藝苑
 傳琳琅維時東吳末驕主行荒亡扶輿示警戒厥咎呈穢祥
 玉函發神讖矯詐詎可詳蘭臺與東觀相繼摛鴻章誰知削
 木柿風浪浮龍驤黃旗語終驗青蓋歸洛陽禎符豈足信妙
 蹟焉能忘摩挲逮曛黑欲去心旁皇

樊秀才

明徵

贈瘞鶴銘

樊君嗜古如歐趙示我碑文出江徼掛壁猶疑波浪奔入函
 更覺風煙繞此碑舊刻在山巖何時淪陷歸深奧水落常看
 獺狖游潮生屢值蛟龍嘯豈期五石出崇淵寶刻重教瞻墨
 妙滄洲使君既好事紀元退谷精讐校自來比擬換鵝經不
 識仙蹤更清峭通明當日住三茅華陽真逸傳真誥玉柱金
 廷自昔聞洞天福地疇能到重重樓閣仰巍巍謾謾松風動
 竊窬空中鸞鳳尚時聞華亭靈羽何須召縞衣硃頂上圓壇
 警露餐風伴高蹈清唳時聞出九皋招魂自遠歸三詔丹陽
 仙尉亦畱連江陰真宰俱傷悼摩崖奇蹟記千秋直向山陰

侔逸少後來聚訟互評量魯望通翁焉足道太息松寥我未
經與君何日攜單櫂摩挲殘碣發幽光並望胎禽游海嶠

青溪夜泊寄朱肅徵

今夜秦淮宿娟娟玉露秋風生桃葉渡夢遶荻花洲舊宅思
江令新詞唱莫愁惟聞一片水嗚咽向東流
畫舫青溪渡迴牆白下城西風楊柳岸搖落倍含情水調三
更遠銀河永夜清曉寒聞斷鴈淒怨又南征
遠道傷漂泊佳期感滯淫風花吳苑地悵望每沾襟蘅杜逢
秋晚煙波入夜深更愁東去路殘葉滿楓林

泊北固山下入甘露寺訪六朝諸遺蹟

一試乳井泉再啜新豐酒秋風向晚寒瑟瑟凋煙柳江山合
雄俊勝槩數京口蕭郎昔北顧嘉稱被陵阜何時壽邱荒空

見恨石醜飛揚蓋世才寂寞千載後玉蕊亭亦燕崖州但回
首甘露獨巋然俯仰傳最久落照下長波紫翠無不有樓臺
儼畫圖形勢抱眼明海月猶未生奔濤激林藪

京口寄江秀才賓谷及其弟子九恂

明月照江水笛聲江上樓西風吹落木一夜送行舟我欲舉
芳村因之寄昔遊倚堤秋色遠相望不勝愁

夜泊丹陽

懼歌人語共淒淒又聽江鴻第幾聲寒月如霜霜似雪雲陽
城外夜三更

香小溪邊別舊遊二分明月夢揚州舵樓橫笛誰同聽只有
寒燈伴客愁

自京口放船至揚州

玉帶山門路扁舟幾度來依然聞放梵縹緲出香臺
雲樹西津渡樓臺北固山江帆斜照裏相送度邗關
綠檻煙中艇青帘水上樓夜深聞玉笛涼月滿寒流

舟中曉雪懷張崑南

晨起聞嚴風孤篷灑殘雪茆屋炊煙稀古逕人蹤滅初日曉
更陰層冰散還結稍聞寒禽啼或恐孤松折川塗曠無垠平
蕪但蕭屑忽憶素心人清吟對林樾彈琴慕古歡掩關事禪
悅蕭然委巷中渺與人世絕迢迢千里餘相思值窮節良晤
日已疏遠問何由達緬懷林下居惆悵天涯別

古仙女廟

殘雪迴塘夕照遲明珠翠羽儼空祠蕙香幃卷爐煙歇時有
靈風颺畫旗

訪小繪園故址

何人置酒更逢迎勝地猶聞重雉城敗舫久無賓客坐荒畦
尚付子孫耕簾前董苑曾題畫花下雲郎記合笙吟罷迎陵
腸斷句亂鴉殘照不勝情

田家夜宿

疎煙起茆茨朔吹動林麓飛禽相與還行人計棲宿蒼蒼夕
靄中一逕入喬木農家農事閒留賓解款曲虛牖隱荒榛頽
垣翳苦竹夜深寂無人寒燈照深屋卽次幸已安稅駕何時
卜歲晏思故居悵然感幽獨

曉發

卧聽嚴更盡推篷問去程江波寒自湧海月曉還明雪霽瓜
州渡雲迷鐵甕城中流聞旅鴈浩蕩感浮生

晚泊澄江

苦竹黃蘆晚泊船江湖歲暮自蕭然寒潮渺渺來千里芳序
駸駸又一年村舍參差殘雪地煙嵐層疊夕陽天回思西蠡
湖邊路曾試岡頭第二泉

座主夢文子先生麟贈詩四章敬答

騶虞游郊藪五彩分丹黃鸞鳳棲阿閣六律諧宮商英賢出
閭世天地增嘉祥公家由溟渤箕尾垂光芒簪纓傳累葉勛
業銘太常少時握彩筆高步登巖廊中州拔杞梓南海收圭
璋揭來持玉節星象臨文昌生平愧樵昧寧敢馳康莊豈期
國士遇親炙居門牆

天文賈人文山河分牛斗誰為大雅宗宗伯實稱首歸愚先生洪

鈞發鏘鳴賡歌著朝右王鴈錢微並師承吳金曹來沂先

汝承蓋得趙升張策擣辭麗瓊玖龜勉文字交徵逐嗤杯

幸逢伯樂來空羣別牝牡數子皆雅才道藝各自負儻能拔

其尤風雲偕奔走握衣奉教思立言期不朽

梧桐生高嶺意在干青霄蘭蕙出遠浦花欲揚芳臯生年迫

壯盛當路誰能招何時出泥滓登席如瓊瑤玉衡忽南至長

養傲寒條微材被潤澤弱植歸甄陶惠以五言詩高唱絲風

騷書紳垂永矢歸去誇同袍

君山近東溟長江繞其足朔風一夜號飛雪皓巖麓寒士裘

蒙茸獨賴擁爐宿經帷矧可戀輕裝豈忍束公車戒嚴程驪

歌已迫促歸舍辭春萱羣賢互相逐盈盈酒一罇隱隱帆半

幅欲行未曾行攬袂淚頻續科名詎可期道義奉所勗永佩

金玉音征塗日三復

原作

蒙古夢 麟文子

璫葩麗雕榭春颺扇崇蘭美人絃服坐瑤瑟聊獨彈朱絃
靜理蘊遠調清徽完音希闕古意闔戶資幽歡殊響繁夜
叢泠泠曲就殘綜往兼慮來引領起微歎願折珊瑚枝持
謝知音難

之子亦何好窈窕光容儀落葉朝翩翩手持瓊樹枝翠璫
飾珠珮翔步臨前墀噓蘭拭洞簫不惜勞空閨明月來廣
除曲斷無人吹含睇稍延佇我願神為移曲調寧不嘉白
日方西馳努力愛景光崇德為子期

暄風被陽林巖構榮丹葩蘭芷及荃蕙郁郁回春華輕颺
發芳豔孤秀凌朱霞太古忽已遙人耳皆淫哇不悲元音
遠坐患流無涯斯人詣淳古指摘勞相加願製芟荷衣怡

子以清嘉謂鳳階企
音諸子

元音逝已久瓦缶空陳陳哀哉枯桐枝俯首同殘薪大雅
出晚世古意陶天真靜參淳悶趣援手扶奔輪沈光祕元
訣和性噓芳春斯人亦已然此曲何難申咫尺獨緘憶悵
望勞嘉辰謂沈
宗伯

望後... 將往京師歸愚先生以詩贈行敬答

春融堂集卷五

青浦 王昶 德甫

履二齋集 甲戌

將往京師歸愚先生以詩贈行敬答

數仞門牆峻經年杖履親一枝方幸折三策豈能陳世望科名重心希德業純公車催早發欲別更逡巡

原作

長洲 沈德潛 歸愚

之子魁南國邦人願枕經此行冰雪路歷盡短長亭水湧黃流濁山橫岱嶽青廣川三策在望爾對 明廷

企晉置酒送行卽次原韻

置酒燒鐙月上初朋簪小集送征輿懷人路遠梅先折贈別詩成錦不如薄有聲名傾沈范敢思遭際比嚴徐最憐此後

關河夢時向璜川問起居

原作

吳泰來

雪霽吳關放酒初東風楊柳拂征輿渡江門第人爭羨入
洛才名我不如樹裏河流分汴泗馬頭嶽色接青徐燕臺
酒伴今憔悴好向天涯問索居

再別企晉

分手旗亭夕照殘煙帆從此向長安十年琴酒論交切千里
關河話別難菴里花開梅信早雪中人去鴈聲寒盤螭山色
靈巖月何日同君倚杖看

贈別肅徵

頻年樽酒共流連鸚鵡聲華世早傳張協詩才留錦段温岐
詞格妙金荃花時寫韻紅絲硯月下分題碧玉箋悵悵舞裯

歌扇裏不堪風雨對離筵

風笛長亭惜解攜舊游回首更含悽尋芳每過真娘墓載酒
同登白傅堤花落青燈追往事雨昏紅壁記前題銷魂此去
燕臺路殘月荒山聽曙雞

廣陵留別汪韓懷棣

吳梅里經

兩貢生及江賓谷

唱罷驪歌不忍聽別君西上弄珠亭烟中楚水波將綠雪後
康山樹半青遠道風塵勞悵望異鄉朋舊感飄零歸鴻好寄
相思字莫負蘅蘭漸滿汀

高郵舟次

白髮親闈隔青鐙客夢孤音塵千里別書札一行無衰草秦
郵驛疎楊蹙社湖吳雲回望遠寂寞向征途

界首驛

城西疎柳拂輕槎一幅雲帆逐暮鴉欲訪雷塘荒草合何從
更弔玉鈎斜
煙雲無際合孟湖水驛人家儼畫圖最愛酒醒欹枕處漁榔
隱隱出菰蒲

途中口號示黃芳亭陸聽三 芳槐 兩孝廉

少小嬉游每並肩公車同坐話纏綿僕夫稍進茅柴酒又倚
征篷跛脚眠

柳邊微颺鬢絲風雨歇長途淨軟紅手把殘書拋未得半醒

半睡誦南豐 見震川集序

茅店郵亭道路賒車輪臨渡互喧譁閒中忽憶查山閣看過
梅花又杏花

渡河後作

清淮東下衆流趨高堰長堤一棹孤聞說敵黃功久著雲梯
關下省薪芻

一葉輕舟趁曉風桃花汎近水融融傳聞七省 神倉米已
挂雲帆入會通

雨夜寄蔣升枚

春陰漠漠雨絲絲八寶田西日暮時南浦綠楊誰贈別東風
紅豆最相思花前石鼎曾聯句燈下香囊憶鬪棊回首蘇齋
天末遠芳馨好爲寄江蘼

宿遷

寒月當空靜嚴風入夜哀天低彭祖國雲暗漢王臺山勢爭
東向河流繞北迴人煙寥落處誰與闢蒿萊

嶧縣

日晚邳城道蒼涼意不勝高風溪樹折積雨岸沙崩破屋編
衰草荒田刈敗芳窮簷生計薄對此旅愁增

嶧山

西風動新霽遠近開寒氛驅車過北郭列嶂參差分獨蜀屬
爲嶧釋詁夙所聞詩書連類舉箋註滋紛紜青徐本聯巨地
軸通細緼黃鑪與石屋皆嶧縣山一氣浮烟雲村墟盡衍沃樹藝
勤耕耘愛此鄒魯境孤桐發清芬我行數百里仰止心所殷
何時營別業抱犢來卜鄰志稱昔有王老抱犢隱此

道中望泰山

自我入魯境翠色瞻龜蒙羣山東來不可數岡阜疊出森青
葱今晨新雨忽開霽雲霞斑駁浮晴空東嶽巨鎮亘百里氣
象特兀連穹窿春來盛德本在木條風况復蘇蒙茸靈威仰

居五帝首出震庶物歸昭融皇初七十有二代金泥玉檢層
雲封三茅五春今不乏允宜銘德垂豐功往年鸞輅親

莅止云亭未禪殊謙沖我今望嶽祇三舍計偕策蹇愁倥傯
崢嶸但覺日觀近詆蕩何自天門通我師夙昔耳采筆明堂

太室尋遺蹤星輝霞煥數百字紙上光怪搖長虹文子先生有泰山明

舒紅行常進試堂歌極偉麗眼前有景愧疲蒸局縮竟似號寒蟲杏花上苑將

飛龍東望蓬瀛笑海若西指汶泗懷河中狂游高唱應未晚
回首瀨氣蟠心胷

東平

風色滿平蕪蒼茫獨問途沙崩山路窄日落戍樓孤地迴人
難見春寒草未蘇蘆泉行止望紫翠遠模鋤

恩縣

黯淡明星落蒼茫曉霧橫風旗懸古戍霜角振巖城灌木無
禽語荒榛少客行誰知殘夢裏煙水憶柴荆

次德州

厭次遺墟在荒城長辟蘿日斜官市散風急客帆多地勢連
三輔潮聲接九河歷城鏖戰地流恨更如何

蘇祿國王墓

寥落殘碑在當年王會同獻珠因物產釀蔗憶夷風滄海歸
魂遠長河古墓空溫明祕器盡枯柏夕陽紅

獻縣

蕭颯東光驛風塵跋馬過地形蟠鉅鹿水勢接滹沱五壘遺
墟盡三關夕照多荒原誰校獵萬騎散明駝

秦少宗伯樹灋先生

招修五禮通考後寓

窩

容臺重望冠諸卿喜慰門牆負笈情座主芥子先生下榻已
宗伯門下士也同陳仲舉譚經真見鄭康成事包列史規模備書彙羣
論精東海遺編堪久大何辭斯夕奉橋衡

題家舍人受銘

又曾

龍湫晏坐圖

我昔圖五嶽好入名山游身騎兩黃鶴汗漫凌滄洲靈芝碧
霄夙所慕便欲杖策尋丹邱風塵十載空憔悴悠悠此意何
由遂夢寐長經天柱峯煙雲每憶靈雲寺舍人蕭灋非常才
年年采藥窮崔巍赤城華頂遍游歷更上雁宕恣徘徊初過
白雨澤再渡水簾谷金光瑤草望中明碧嶂丹梯看不足峯
迴忽到大龍湫萬仞晴空灑寒瀑銀河一道垂長虹蒼崖白

畫生雷風石上斜飛雨颯杏林間直下烟空濛盤旋噴薄不
 可即疑有雲氣隨游龍忘歸亭上遙相覩濺玉跳珠互吞吐
 天台石梁那足奇羅浮青峽知難數拂衣長嘯開心顏擬修
 淨業辭塵寰只愁勝地難久駐飛流回首徒潺湲今春相遇
 長安陌促膝明燈話疇昔示我當時晏坐圖依稀遠接神靈
 宅惆悵仙源深復深何當濯足一登臨好攜蓮社支公侶重
 和麻源謝客吟

得曹來殷書

碧雲日暮感佳期悵望瑤華慰別離愧我無才依玉樹憐君
 有恨寄瓊枝豐華夜雨花開後吳苑春深燕到時讀罷江湖
 千里信燈前雙鬢欲成絲

白衣菴贈姚孝廉姬傳

龍時下
第先歸

生平蹤跡各風煙此夕相逢倍黯然名士從來多落拓酒人
 誰與共流連楚江舊業虛歸計燕市悲歌感世緣聽遍禪牕
 深夜雨剪燈欹枕話龍眠
 頻年鈴馱向天涯詩卷餘殘閱歲華楚調吟成空自賞吳歌
 醉後向誰誇秦嘉上計功名薄王粲辭家道路賒何日司空
 山色裏論文相對共烟霞

送狄同年思和

詠麓

之官成都

京雒分符去關河叱馭行壯游真不忝惜別若為情細雨征
 塵滅疎楊驛路清武擔山色裏士女望前旌
 雲樹三巴路烟波萬里橋錦官餘故蹟玉壘識前朝蜀紙書
 難寄郫筒酒易銷郵程凝望遠有夢逐征軺

贈諸贊善襄七

錦
移居

數椽老屋月城陰猶是成連去後心屋為江西李牧堂先生舊宅贊善其弟子也

冷澹齏鹽供午膳淒涼燈火伴宵吟清貧未買還山權高雅

誰投諛墓金獨喜阿蒙垂盼睐一甌苦茗日招尋

送吳舍人餞芍寬歸新安

倦踏東華十丈塵孤舟遙下潞河濱姓名不用登官簿已

頭銜作散人

分明詞格似屯田香逕春風寫玉牋不待小紅來按拍并

汲處早流傳

家在天都峯下住丹梯碧嶂望巔峴知君西渡新安水

松風六月寒

送江于九之官長沙感事言情遂成六首不自

平賦詞之複沓也

作客京華路同為汗漫游經過無趙李理詠有應劉斷碣偕
摹搨叢書並校讎如何還遠別捧檄下湘州

會合知難卜分張奈遠何揚舲雲夢澤弭節洞庭波舊俗懷

三楚微詞續九歌行吟堪吏隱未許怨蹉跎

玉笥雲山迴桃源驛路長新愁臨望楚遺恨感沈湘暮雨楓

林暗微風杜若香廣陵花月地回首夢池塘謂賓谷

青草湖邊雨蒼梧嶺上雲幽蘭酬郢客芳芷贈湘君征雁逢

春盡哀猿入暮聞章華深夜月應為照離羣

天闊雲帆遠江清桂櫂斜煙波通七澤驛路近三巴惜誦遺

文在招魂往事賒湘山祠下過好擷白蘋花

我亦飄零久風塵感世緣遠游思楚澤歸夢向吳田高隱師

宗炳傳經繼服虔沅江芳草綠早為寄蓀荃

將往濟南樹灑先生餞于味經窩并示吳司業尊翁
鼎震戴上舍東原震吳舍人荀叔煥及摺升鳳階曉徵
諸君

忽忽襍被上輕車折簡來招再攬袂失路長嘶嗟瘦馬過河
欲泣念枯魚登筵頻勸三升酒授館還叨一紙書吳運使凌雲士功來

聘先生話到賓朋皆雪涕燈殘賦別更踟蹰
金閣學檣門德瑛招同錢編修坤一載蔣舍人心餘
士銓汪孝廉康古孟銷送往濟南用心餘韻留別二

首

短車深巷雨冥冥開閣相招展齒停已分生涯同散樗敢將
蹤迹怨飄萍回思壯志今安在欲寫悲歌恐不經明發潞河
亭下泊煙波愁見柳條青

歷下煙巒事事佳謝公會此愜幽懷閣學曾任學政于此吟成白雪知
難和游徧青山願未乖蓮子波生攜釣艇藤花秋好繫芒屨
卻憐 禁苑微鐘夜載酒何時得共偕

同作

鉛山 蔣士銓 心餘

感遇傷離雜醉醒摩空猶是未梳翎已成鸞鳳仍飄泊自
古風雲有晦冥旅食深知貧是病才名虛指客為星誰華
山畔尋君路夢裏還應一再經

明湖秋柳至今佳打疊蜻蛉泛水涯歷下山川名士地江
南煙月旅人懷文章事大期千古主客詩成憶小齋聽到
登樓堪隕涕壯心容易付沈埋

送胡同年吟石溶歸太倉

京華憔悴倍情親愁向河梁問去津伏雨闌風催錄別殘鐘

夜火共傷神潮生潞水移征權秋到婁江下釣緡他日鵲山
湖畔路相思兩地望音塵

鳳皆曉徵諸君相送宣武門外

白楮坊南雨乍晴路隅執手不勝情文章有命疑神鬼臺閣
無緣負友生漫道風塵總蹭蹬那知意氣尚崢嶸此行講席
攤書卷南面何殊擁百城

大羅同日咏霓裳何意飄零又異鄉通路煙波浮遠權明湖
風月貯空囊蓴絲可采歸南國護草方榮侍北堂三泖漁莊
秋色裏再從野老問行藏

雍奴夜泊聞笛有懷

昔歲金陵驛曾聞短笛吟星河當永夜煙水渺遺音悵望楚
蘭咏魂銷楓樹林直沽橋下聽南望更沾襟

舟次德州寄南北諸同學

洛葉下寒潭離情兩不堪孤蹤辭薊北遠夢到江南風急聞
津鼓燈明見佛龕舊游千里隔誰與共清譚

齊河道中

涼露滴衣袂荒原人曉行清暉散煙靄遠見秋山橫芳樹稍
欲落野禽時一鳴寒雲連古堞知已近譚城

紀事時準噶爾四部衛拉特來降遣兵往撫之

丹詔遙聞出上闕元戎拜命早登壇九邊傳檄軍威壯
萬里行師運道難絕塞定占擒頡利中朝已議靖烏桓請纓
枉負終軍志夜夜旄頭倚劍看

曉發

櫪馬喧殘夜林鳥散曉天斷雲時作雨遠水忽生煙舊俗微

安惠遺書問廣川行行聞權語卻羨捕魚船

半年

半年人海類蓬條反喜東來慰索居偶論文章當七發徧探
經史愛三餘齋中有武英殿版十三經廿一史鴉窺石鉢晴爭浴鹿傍筠牀
暗齧書正似淞江茅屋底綠蕪黃葉滿階除

同門人楊星標

懷棟

吳廷韓

玉綸

游佛峪

斗柄在戌寒始威荒郊草木萋以腓騰騰曉日明晴暉相於
二子馳驟駢鏡天山色橫翠微鳥道詰屈人迹希路旁栝柏
莽十圍山鳥驚覺鳴且飛閉然野寺開雙扉青紅古佛長而
頽畫壁荒怪無是非山僧迎客病已瘳香積索寞纏蚱蟻瓦
盆麤糲聊充飢寺後奔瀑懸珠璣迎霜野卉猶芳菲古碣突
兀依林霏字畫齧缺餘如豨新碑笏立森崔巍厥辭怪偉無

刺譏碑文延落葉颯沓飄秋衣游興頗極振策歸嗟哉勝地
空依稀安得卜築來耕糞

觀趙松雪離華秋色圖

水晶宮裏神仙子所過湖山來筆底已將佳勝盡吳興更向
明湖寫煙水明湖澄碧匯諸泉常與詞人泛酒船少陵北海
遨遊處蘋花蘋葉兼蒲蓮吾昨一篙依短嶼扣舷擊楫鷗羣
舉橋東遙望離華山天際分明見眉嫵今觀此卷若重游遠
村近堞望中收采香雖無佚女在清響偶有漁童謳書堂涼
到正蕭瑟又展吳綉玩秋色騷辨彌增宋玉愁風流更愛王
孫筆北苑南宗理不殊頓生歸思寄尊鱸好攜歷下亭中景
比似茗溪與瑁湖

懷人絕句

江陰翁徵君霽堂

廿載中吳老布衣頻煩薦牘上 彤闈君山如黛江如練重
擬抽帆叩竹扉

長洲許明府子遜

閩海珠江入望中紀游詩句氣如虹白頭亂髮垂垂老酒後
猶彎兩石弓

秀水諸宮贊襄七

草廬太史文章伯許我新詩似迪功應是秋來歸思切峭帆
直過鶴洲東

長洲周秀才欽萊

南臨湘楚北游燕骨月凋零感暮年意乞黃冠共老去不須
名氏占詩仙

太倉沈光祿子大 起元

皓首窮經歷歲年心知崔燥范長生有真詮孤舟遙下婁江
去枕膝何人得共傳

保昌胡侍御靜園 定

幾年歸臥掩蓬廬重捧彈章侍玉除秃尾驢閒毳飯冷退
朝仍理舊鈔書

元和惠徵君定宇

少日箋詩矜奧博定宇有漁洋山人精華錄訓纂中年經術更紛綸仲翔易
學康成禮只有先生是替人

長洲彭侍郎芝庭 啟豐

麟鳳文章冠古才譚詩曾許共追陪慚無水部新篇什也荷
名卿獎借來

無錫吳學士尊彝

抱犢窮年

聖主知

鑿坡簪筆奉恩私晴窗注得羲文

在小篋黃綾進

玉墀

長洲陳徵君和叔

黃中

門對葑溪流水碧秋槐落葉覆閒庭柯

維祺王惟儉舊本叢

殘後新史何時付汗青

時和叔方重修宋史

山陽吳秀才山夫

玉搢

遍從故籍搜奇字更向殘碑搨古文杜

林許慎張揖曹憲留

絕業肯教帝虎共紛紜

山夫精于小學著別雅金石存諸書

秀水家刑部受銘

詩句東華舊擅名逃禪中酒足平生龍湫瀑布青溪月千載
何人識此情

奉賢吳秀才梅里

明湖秋柳半蕭條落葉棲鴉伴寂寥誰道有人攜畫榼白蘋

花裏度紅橋

時梅里僑寓廣陵

吳縣沙布衣斗初

髯翁浪迹江湖上櫺具高冠迴自奇拓戟長歌成底用何人

肯寄草堂貲

江都江秀才賓谷明府于九

二分明月是維揚樂府思君最擅場還憶天涯羈宦苦冷猿

哀鴈過瀟湘

長洲宋方伯軼才

邦綏

忽奉恩綸下九霄棧雲千疊送征軺錦城玉壘何由到心

折清江萬里橋

秀水錢編修坤一

曾將新句寫雲藍送我征車向濟南
殘暑小齋涼雨下黃藤樽酒憶清談

德清徐上舍穀函

尚書故里苕溪畔綠樹青山面面勻
恨不早營三畝宅移家真作孟家鄰

長洲鄭上舍迂谷

柘湖格律有家傳尊人季野先生
三體新詩字字妍更愛法書臨大令明璫翠羽並嬋娟

吳江張秀才鴻勛

桃根渡口匆匆別聞向樅陽作客游
欲寄生綃煩畫取白蘋紅樹五湖秋
鴻勛工畫有白蘋江驛遠紅樹客帆孤之句

長洲朱上舍子存

華萃翰墨久通神道北新詩亦絕塵
令好凌霄秀才近喜賢郎能繼起揚州煙月屬斯人謂令子肅徵

上海張秀才策時

張君才氣如青兕跌宕詞場舊有名
安得狂歌中酒夜共盤硬語對寒檠

吳縣張布衣崑南

山人嬾似嵇中散賣藥修琴意邈然
漁火楓橋官市晚蘆簾紙閣枕書眠

如臯姜孝廉靜宰

京華梅雨感分襟南望臯原暮靄深
落葉空階聞蟋蟀挑燈愁展埃秋吟
埃秋吟三卷靜宰所撰

上海凌上舍祖錫

苦吟詩似孟東野散體文如戴剡源羨爾秋風歸去早荻花
楓葉到江村

元和褚舍人摺升

苑樹宮雲退直餘閑關學易事幽居幾時歸向滄浪水蘆雪
菰烟共校書

全椒金孝廉鐘越 北燕

曾上天都最高頂松風瀑布萬峯寒知君近更懷三隱西澗
煙波倚櫂看

吳縣朱上舍適庭

迢迢尺素到長安知向煙波理釣竿吟得碧雲詩句好西風
荻浦夜漁寒

上海曹舍人鴻書 錫寶

薇垣重望擅清詞 禁苑微鐘直宿時紅蠟香殘封詒罷玉
繩低轉萬年枝

桐鄉朱上舍吉人

曾聽吳孃唱竹枝山塘煙月不堪思瀟瀟暮雨無人夜忍誦
君家雜咏詩 吉人有吳中雜咏百首

全椒吳舍人荀叔

舍人家住青溪埭花月新聞最愴懷為憶茗茗舊時曲一鏡
涼雨夢秦淮

大興朱庶常竹君 筠

禁城春晚接簪裾兄弟同時典石渠 謂令弟石君侍講珪 一自西勾橋
上別煙波何處寄雙魚

嘉善謝編修崑城埔

聽鐘山舍近禪寺醉竹移花無世情 禁苑秋閒下直早半

簾斜日捶琴聲令兄東君同年垣工琴

儀徵汪秀才韡懷

一卷新詩號對琴瀟湘雲水有清音世間箏笛紛紛在誰識

昭文苦用心

長洲朱布衣孔林楷

破屋數間人迹絕瘦妻稚子苦飢寒遺經獨抱堪千古那羨

時人作達官

鉛山蔣舍人心餘

雨後鳴蟬照碧窗移鐙話舊意難降聞君近乞金門假六幅

煙帆泝大江

太倉家秀才存素

四王縑素琳琅重接迹家風只數君曾憶名園來讀畫雨窗

一幃寫煙雲

桐城姚孝廉姬傳

蕭寺鐘殘夜漏遲香銷酒冷共論詩薊門皖水俱千里腸斷

紅亭送別時

長洲吳教諭企晉

詩人小築靈巖下短李迂辛共往還最愛聽松樓上坐一池

秋水數稜山

嘉定錢庶常曉徵

三年同醉錦帆春京雒相逢意倍親寂寞今宵對吟卷在旁

知狀并無人

上海趙秀才升之

茶經藥錄書千弓竹塢梅坪地幾塍擬放吳淞江上棹夜寒
來對草堂燈

江寧嚴秀才東有

舊院銷沈怨綺羅西崑才調近如何石頭城下絲絲柳不及
秋來別緒多

無錫薛庶常鳳叶 田玉

石枰精舍歇秋雨白蛤臨風愛晚涼更有河陽好詞筆 謂潘
黃溪

嘉定曹秀才來殷

少小同游近十年曹王詩卷共流傳不知今夕旗亭月誰炙
笙簧上笛鈿

家鳳喈

吾家坡老才雄絕落紙新詩萬口傳惆悵生平三度別中宵
風雨憶同眠

靜孫上人

天平山下名藍好曾與宗雷作勝游絕憶已公茆屋下一宵
寒雨長溪流

答企晉見懷之作

蹇劣難空冀北羣飛龍羽翼又中分琴書獨對明湖月耕釣
終懷笠澤雲遠道相思勞舊雨薄寒早中愛朝暉升沈分定
吾何歎端擬歸來作五君 吳中七子時鳳喈
曉徵已官京師

秋暮游漆山

振策緣危逕循谿到古巖飛泉當石碎老樹入崖銜細路盤

梨峪層雲覆玉函枯林寒日薄蕭瑟竄磨麕
浮翠諸峯合酣紅萬樹交空厓啼怪鳥深洞伏神蛟濺溜虛
沙滑寒苔古石凹伽藍餘故蹟誰更理衡茅

柏山寺夜宿

為愛秋峯好扶筇過水南濤聲千樹合雲色萬山含星影沈
苔澗霜華散石龕夜深羣籟寂清磬出煙嵐

長清道中

鞭絲帽影夕陽紅又過譚城古驛東回首香孤山色遠青螺
數點暮雲中

寒燈破屋夜迢迢落葉無聲倍寂寥最是夢魂忘不得菰蒲
秋水雝華橋

東鄉夜宿

寒鴉數點成樓東十里黃塵捲朔風卻愛前山如畫裏夕陽
一抹棗林紅
長亭古道柳參參鈴馱聲中晚息驂茆屋霜濃燈焰短一鈞
寒月挂西南
重過仙女廟

更聽神絃曲靈祠水驛前書傳青鳥使碑記紫霞仙玉珮澄
寒月銖衣散暮煙疎林殘雪外仿佛見雲駢

過秦州命重來

西溪雲起晚冥冥有客扁舟此再經日落雞豚歸古巷江寒
鳧鴈下荒汀松蘿難問清風閣竹柏空懷積翠亭聞說梅花
詩石在麝煤無計搨遺銘

海陵

曉發羅塘路輕帆近海陵村橋分薯蕷水市買菠薐鳥啄寒
林雪魚翻斷岸冰蟹黃新釀在取醉任曹騰

如臯官舍陳如虹先生焜連宵置酒絲竹駢闐感事

觸懷因成八絕

鈴閣琴牀迴絕倫重來蹤蹟尙風塵此生不合 金鑾直穩

向歡場作酒人

衙齋近接小三吾猶記雲郎染畫圖水繪荒涼寒碧盡重排

絃管喚花奴水繪園中有小三吾寒碧堂今皆頽廢雲

鳳尾龍香按拍齊銀燈如月照銅蠶青衫欲濕還重掩怕染

愁蛾一樣低

寥落青山故相家箏師琴客總天涯平泉舊事知誰記賸與

徐郎說夢華諸伶舊屬青山莊張氏其中徐郎蓮生者色藝兼工能談舊事

曾寫雙鬟畫壁詞旗亭傳唱月明時夢中彩筆知無用合譜

新聲付段師

雪泥鴻爪不勝情忽聽當筵白紵聲從此玉堂無夢到瀟瀟

暮雨憶吳城

羯鼓聲高咽管絃暗將清淚灑鈿蟬新詞莫怪多淒怨漂泊

江湖又一年


心情寥落似眠蠶聽罷吳歛酒半酣望裏紅欄三百六故園

歸去狎何哉

題文子先生西園圖

疎雨歇青山春陰澹幽幌中有清吟人溪亭自偃仰鳥下綠

蕪深風遞寒松響一挂煙江帆何因寄心賞



Vertical lines on the page, with faint, illegible text visible through the paper. The text is arranged in columns, typical of traditional Chinese book layout. The paper is aged and yellowed, and the text is very light and difficult to read.

